



大明英宗睿皇帝實錄卷之一百十八

正統九年秋七月戊申朔享

太廟遣中官祭司門之神湖廣施州衛木冊長官

司遣舍人譚朝美等貴州貴州宣慰使司遣把事何澄等貢馬賜鈔絲段有差順天府昌平順義二縣各奏徭役繁重欲以柴夫與霸州等十三州縣均分庶勞逸不偏從之設陝西永昌衛儒學置官降印從指揮同知高瑛奏請也己酉命都督僉事陳榮於中軍都督府劉得新於左軍都督府耿羨於右軍

都督府方瑛於後軍都督府視事。陞羽林前衛帶
俸都指揮同知杜忠為都指揮使。駙馬都尉石璟
下錦衣衛獄以嘗奏本府閹者呂室為盜且毀罵之
為太監王振所惡也。給事中劉益奉香帛往禱雨
于西海河瀆還奏二廟隘陋請起蒲州民夫免其秋
糧或并免本州採柴炭夫令修葺之。上曰天既不
兩民方艱食豈可復有興作姑罷之。浙江慶州賊
數百人盜銀礦於福建福安之劉洋坑。叅議竺淵都
指揮僉事劉海等率衆往捕。淵被殺海被傷。巡按御

史牛宣等奏海及按察司僉事董應軫等巡督不嚴
宜治其罪從之。遂命都布按三司各委能幹堂上官
調軍捕賊不獲。不宥。庚戌陞禮部精膳司員外郎
王士華為郎中。先是郎中員缺司之胥吏合辭舉士
華為代尚書胡濙以聞命吏部勘實故有是命。四
川越雋衛指揮同知蔡瑄有嚙於同衛指揮陶茂聚
衆圍其家殺之事露瑄伏誅。辛亥。仁孝文皇后忌辰遣官祭長陵。敕刑部右侍郎楊
寧曰今命爾往雲南代侍郎侯璉叅贊軍務并提督

雲南都司各衛所操練軍馬及預備糧儲屯田等事
凡軍機事務爾與總兵鎮守官商確處置事干三司
者亦須會議務在同心合謀從長而行勿偏執已見
有妨事機爾須產勤公正以身率人毋惑于小人之
言毋懼於權要之勢毋安於怠肆而廢弛兵備毋狃
於近利而貽患生靈必使一方軍民得所夷人畏服
以副委任爾其欽哉

賜雲南干崖宣撫司并經歷
司各印一顆 改貴州鎮遠府施秉蠻夷長官司為
施秉縣設知縣典史各一員以土官之缺從巡按監

察御史及布政司按察司會議奏請也 壬子伊王

顯焮奏母妃劉氏有疾乞命醫賜藥從之 免山西

隰州被灾糧七千四百九十餘石草一萬四千九百

八十餘束 癸丑四川播州宣慰使楊綱遣姪銘等

貢馬賜鈔絲段絹布有差 免河南開封衛輝南陽

河南懷慶彰德等府所屬去年被灾糧三十萬三千

二百五十餘石草三十九萬四千五百餘束 申明

種桑棗法勸富民出穀貸民種子從漕運右叅將湯

節奏請也 乙卯賜代府鎮國將軍仕蠲誥命冠服

等物請楚府通山王孟煥薨王楚昭王庶第六子母
李氏永樂二年冊封至是薨享年五十有七訃聞
上輟視朝一日遣官賜祭謚曰靖恭命有司治喪塋
刑科右給事中侯臣封王陝西還疏陳沿途見聞一
寧夏硝池迤南十里一鋪鋪十一軍積十鋪隸以百
戶一人甚便自硝池迤北有三十里四十里甚至五
十里始一鋪者其道路陡險渺無人烟逃運及商旅
輦卒遇雨雪無所於寓宜增創鋪舍如迤南例其軍
充以陝西并山西諸處宥死之囚一逃運囚夫多貧

不能自具牛車丑無田宅徃逃竄宜亦以宥死囚
充逃運軍但主以百戶不必設大使官仍許各軍得
種荒田以食車牛則給以在官之贏餘者一寧夏故
城圍十八里今僅九里城中人稠宜仍其故址築之
上命所司議行丙辰命故山西行都司署都指揮僉
事呂昇子英襲為指揮僉事雲南道監察御史計
澄等奏開科取士務得實才今南北直隸凡遇開科
多有詐冒鄉貫報作生員或素無學問倩人代筆其
弊非止一端乞敕該部會議今後開科令御史親指

各處嚴加考選必得學問優長素無過犯者令其入
試其在京如遇稱係軍生并各衛門吏典承差人等
不由學校不經考驗其間姦盜貪墨無所不有比等
之徒一体不許入試庶革奔競之風下礼部議如澄
言上曰求賢之路不宜沮塞生員儒士軍生選著
提督學校御史考察入試其吏典承差人等礼部嚴
切考察果通經無過犯俱容入試仍移文原籍勘實
如有虛詐論罪不宥 丁巳命工部侍郎李蒼董修
京倉自廣西總兵官安遠侯柳溥奏廣西地方溪洞

險惡猺獞雜居府縣城池或有或無軍官數少哨守
不敷近年秋糧折銀輸京邊民糶米易銀不無艱窘
官軍月糧不得全支倘有緩急轉輸尤難况今有司
不能撫恤夷民以致從賊為非乞勅該部重有司之
選任寬邊民之徭役免徵折糧銀兩量增附近衛所
官軍庶獲振揚威武保障邊陲 上曰溥言良是今後廣西牧民官吏部銓選務得其人
若有政蹟者不次擢用邊民徭役宜從寬卹折糧銀
兩戶部議奏聞官軍且不增俟征進時調用其撫安

蠻夷經久方畧還令溥同三司集議以聞毋推奸避
事貽患邊方以速後愆戊午陞浙江台州府通判
掌黃巖縣事周旭鑑為本府知府先是巡按監察御
史等官孫毓等奏民干六百餘人言旭鑑嚴明勤慎
能鋤強植弱民安盜息難鄰邑亦咸愛慕乞陞知府
吏部言于例難從上曰知府會舉政欲得人今旭
鑑雖鄰邑亦愛慕之其陞為知府毋以例拘賜都
督吳克勤芻牧地一十四頃三十畝湖廣九谿衛
奏本衛糧少指揮月給米九斗經歷知事七斗衛鎮

上撫以下并優給官八斗難于供給奏下戶部請令如
他衛例增給本色米於長沙衡州永州有糧之處關
吏從之都察院右都御史王文言湖廣按察司副
使曾鼎奏嘗審辦按察使孔文英所鞫囚多所平反
因與文英有隙乞調別任蒙下巡按御史逮二人鞫
實今御史羅鵠言鼎引其私嫌止以公辨罪因為言
例當贖罪復職然以風憲挾私構誣難照常例文英
有失入罪雖嘗經革亦不宜宥
上命鼎納米完日降一階調別任文英姑宥之俾各奉

上公圖報毋蹈前非一己未浙江按察司奏臨山衛備倭指揮僉事盛清千戶董誠等擅離原守地方私自回衛致壞官船漂軍器淪死官軍數多
上曰論清等罪本當處死今姑宥之杖一百發廣西邊衛充軍仍令清隨住壯丁三名誠等壯丁各一名俱發原衛充軍守備但逃俱處死不宥哨舡軍器免追赤斤蒙古衛指揮同知鎖大者乞恩進秩并奏掌肅州衛事都指指胡麒阻其到邊市易
上曰鎖大者在邊効力年久遠來朝貢陞為都指揮僉

事回衛管束人民其餘事未知虛實令寧遠伯任禮體勘奏來胡麒宜謹飭兵備遵守法度撫卹邊夷不許生事擾害有失遠人之心開原備禦都指揮使裴俊奏叅將都指揮同知胡源役占軍餘二百餘侵盜官芻取部屬女手納軍士糧豆之賂不巡按山東監察御史芮釗覆之而實上命到青源罪狀特宥之且命究其役占軍餘以代巡哨軍士之貧苦者所侵芻所納賂悉徵焉夜月掩南斗魁庚申遣隆平侯張淳等為正使給事中陳宜等為副使各持節

冊封趙王瞻塢嫡長子祁鑑為趙世子第二子祁鑿
為臨漳王第三子祁鏞為湯陰王第四子祁鏗為襄
邑王封北城兵馬指揮王遜女為晉王鍾鉉妃西城
兵馬副指揮袁誠女為代王第十子隍川王遜燦妃
南城副兵馬指揮王鑑女為遼簡王第十九子衡山
王貴煬妃北城兵馬副指揮秦曇女為第二十子蘄
水王貴媿妃周府孟津縣主薨遣中官致祭命有
司營葬刑部奏有口外民受財枉法例當充儀從
緣口外民多坐罪遷居者苦其地寒常潛居京師如

以例處之適中其姦宜蕝充鷓見嶺諸處巡司馬驛
兵夫雜犯死五年流四年徒如所徒之期俱滿日寧
家著為例從之辛酉秦王出府有民所畜馱遮道
前導卒擊之畜馱者父子數人曳卒下馬痛毆之法
司論當杖上以其悔慢親王命籍其家充遼東軍
新陝西文縣千戶所所轄下毛工番人盜漢人財物
被獲上毛工寨首祈哀請釋之上以番人無知犯
法持從其請遼東總兵官都督同知曹義奏朝鮮
國報倭賊聲息上命緣海備倭官整飭兵備謹慎

隄防遇賊近邊相機勦殺但怠慢悞事俱治以重罪
壬戌中元節遣官祭長陵命翰林院侍講學士高穀侍讀
長陵獻陵工景陵命翰林院侍講學士高穀侍讀
陳詢為應天府考試官陝西秦州衛中千戶所軍
人季用進玉兔賜鈔六十錠王命山東存留草折鈔
每草一束折鈔五貫從山東布政司奏請也
寺丞許俊等供祀景陵有失下錦衣衛獄設雲
南晉寧州陰陽學銓官降印以雲南布政司奏請也
乙丑中元節遣官祭長陵命翰林院侍講學士高穀侍讀

太宗文皇帝忌辰遣官祭長陵丙寅命福建汀州
府經歷王得仁復任陞正七品俸得仁九載任滿屬
邑民言其廉能勤恕乞留之巡按御史張淑等以聞
事下吏部覆實無異故有是命
喃哥堅咎遣指揮鎖合者等首馬駝賜宴并賜綵段
絹衣服靴襪有差仍命鎖合者膏勅及綵段歸賜喃
哥堅咎等
山東武定州民王真奏先以罪給學士
楊崇家為奴今崇卒請從我自效
上命仍給崇家金京師仰山寺僧會和尚自稱王大監

上門僧詐罪人金銀數百兩例贖罪還俗刑部尚書金
澆言其汚佛氏之清規玷忠良之名節鬼神共怒陰
譴昭彰難以例論上是之命充鐵嶺衛軍福建
龍溪縣奏請修柳營江橋長汀縣奏請修城東太平
橋從之丁卯書復慶王秩燿曰承喻第六弟秩炅
受封欲親率來謝足見厚意然封建宗室古世傳
祖宗恒典况當炎暑道途跋涉不易可不必來旨敕提
督遼東軍務左副都御史王翺往者總兵等官恃邊
境久安廢弛兵備以致兀良哈達寇屢來犯邊嘗命

爾往提督整飭近者官軍頗知畏懼邊方亦皆有備
比因達賊稔惡不悛分命將官率兵出境搜殺醜類
并獲人畜以歸慮其餘衆不知改悔必邀合部落窈
圖報復爾宜整棚見操官軍務要入馬精健器械鋒
利修理沿邊城堡墩臺嚴督官軍勤謹哨探遇賊近
邊即相機勦殺飛報附近邊軍互相策應敢有怠慢
悞事者悉以軍法從事朝廷以爾廉公有為暗練兵
務牧簡授委任一應軍務悉聽爾便宜處置事干總
兵鎮守官者仍公同商確而行務要正己率人凡事

必求公當以圖万全庶幾賊寇震懾邊境肅清以副
委任所有合行事宜開具于後一選任將士務在得
人爾同總兵鎮守官于各衛所都指揮指揮千百戶
內選拔勇敢貫戰者各領精兵聽調有能斬獲賊徒
者即論功陞賞如有臨陣退縮失機悞事不遵號令
透漏軍機者斬首號令一撫養將士必求實用但有
畏怯征操投托勢要隱身不出者爾即拿問明白官
削其職發遼東極邊立功軍發極邊哨瞭但有逃避
皆處死一犯罪立功官旗其中果有謀畧勇敢者令
其當先殺賊有罪者令復職役一軍官戶下子弟家
人有能自願隨征即便收用一官軍糧餉悉令監察
御史李純提調爾宜總督區處務要屯種有法糧食
充足一各衛所官老疾亡故其子弟果精壯堪用爾
即審勘准令襲替隨征一凡進兵殺賊其詞訟干碍
軍職暫記其罪准令立功贖罪其軍餘詞訟非干殺
人強盜重事俱候事完之日有功者免罪若功多者
仍論功陞賞一各衛所官內有才幹善撫軍士者令
管衛所及屯田事果無其人聽爾于別衛所調用其

軟弱老疾不堪任者令其帶俸守城會暴玩法廢弛
軍務者輕則降官重則枷釘解京處治一各衛所軍
士有奸詐強橫脅制官府教唆詞訟陷害良善者即
便拏問打一百全家發遼東極邊守墩哨瞭但逃處
死一各衛所軍士及土達官軍須加意優卹不許縱
容頭目及跟官之人剝削虐害敢有違者爾即便拿
問一條件內該載不盡者爾于總兵鎮守官從長計
議處置以圖成功如或偏執已見以誤事機者罪有
所歸少保禮部尚書兼武英殿大學士楊溥自陳

臣歷事七列聖叨居顯秩今年踰七十筋力衰耗雖
欲勉圖報稱而力不從心伏乞允臣休致俾得全始
終之節上曰卿輔相老成朕所倚毗而優禮者其
視事如故毋更求去都察院右僉都御史盧睿叅
贊寧夏軍務以病代回疏請還家治病上命
上令在京調治仍遣太醫往視之戊辰永安懿簡王
妃趙氏薨妃後軍都督府都督僉事趙清女洪武三
十三年冊為永安王妃至是薨訃聞遣中官諭祭命
有司營葬如例鎮守陝西都督同知鄭銘等奏陝

西頻歲早灾人民艱窘乞將該倉幼軍六百餘名暫
行停止待豐年僉補上命布政司酌量有收州縣
于穀實丁多之家陸續僉點無收處待明年秋成後
補解京已已詔除樂平王冲焚妃墳地應徵糧草
給直隸隆慶等衛官軍馬一百二十八疋戶部奏
京師土城沿河空地七十一頃有餘俱內官并平鄉
伯家占據軍民僧人一槩做效欺隱請逮治之并追
其糧上曰姑宥其罪軍民所種者如例輸納芻糧
內外官占種者令撥御馬監種首畜養馬今後主守
官擅撥與人與者受者俱罪之庚午敕沿邊諸將
曰近得遼東總兵等官奏兀良哈頭目俺出傳報泰
寧朵顏頭目拙赤等屢言被官軍擒殺人畜欲收人
馬犯邊又言也先見差頭目在三衛索取以先漫散
人口其情俱未可測此賊譎詐每歲秋冬常為邊犯
况今春被官軍擒殺其黨類必有報復之心爾等宜
整搦軍馬器械預備糧炒如法操練緣邊閑隘墩臺
急為修整完固精選守瞭官軍勤謹哨望遣夜不收
徃來巡探遇賊入寇即相機擒勅務在謀畫周慎用

畱萬全庶幾軍威振舉邊境肅清敢有怠慢邊事遇
賊不能殄滅及聞鄰境有賊推托畏避不即策應者
俱裏罪不宥 琉球國遣使臣伍是佳美等貢馬及
方物賜綵段布有差其昏刻太微東垣彗星光芒長
一丈漸長至閏七月初二日入角宿沒 辛未陞陝
西右叅政年富為河南右布政使郎中孔註為陝西
左叅政叅議戴弁郎中陳謨都給事中胡清監察御
史孫毓俱為右叅政并湖廣謨四川清浙江毓陝西
員外郎王瑛監察御史趙忠徐璟俱為右叅議瑛山

西忠陝西璟四川監察御史陳詔僉事顧侃俱為按
察副使詔四川侃江西監察御史王通朱良暹主事
劉清何自學評事王亮俱為按察僉事通良暹江西
清亮河南自學山西俱從吏部會大臣荐舉也 應
天府 丞檀凱以老疾乞致仕從之 罷江西道監
察御史潘楷為民先是有僧道通木佛覓人施財楷
收其僧付兵馬司尚膳監太監班祐奏佛乃以造第
遣僧送之寺楷不當收 上釋僧下楷錦衣衛鞫當
贖徒還官會有言楷先任浙江仁和縣學訓道嘗譽

黜退生員鮑譽為明經儒士得授教職措遂坐行止
不端送吏部罷之 壬申給慶府安塞王秩吳歲祿
一千石 癸酉鎮守陝西都督同知鄭銘奏今年收
納番馬該四川運茶八十四萬三千六百斤至陝西
界陝西起倩軍夫運至茶馬司用軍夫二萬一千七
十餘石即今歲旱人飢乞暫停運以待豐年兵部言
西寧等茶馬司見有茶二十五萬四千餘斤請將該
運茶減半或從銘所奏暫停 上曰茶馬國家要用
既陝西軍民艱難令侍郎丁鉉等與鄭銘等議除用

各茶馬司見在茶外將今該運茶減半今有力軍民
陸續運去轉用如秋後不熟再議以聞 丙子給遼
東各衛官軍馬三千疋 丁字庫奏歲收桐油黃麻
等料數多庫不能容請暫折收銅錢從之 鎮守山
西後軍左都督致仕李謙卒計聞遣官致祭命有司
營葬 丁丑朝鮮國王李禔遣陪臣楊厚等奉表貢
馬及安物賜宴并綵段絹布有差 楚王妃楊氏薨
妃武昌府儒學教授楊蒞女本年四月冊為楚王妃
至是薨計聞遣中官諭祭命有司營葬 南京吏部

尚書致仕黃宗載卒宗載江西豐城縣人以進士任
行歷左右司副遷司永樂癸酉荐為湖廣按察僉事
武陵多戍籍民皆慮與為婚恐累已男女率主三四
十歲尚不婚配宗載諭之以禮一時成婚者三百餘
家旁縣聞風而成者不可枚舉他如悞豪強起疲劇
多有聲績丙戌召修永樂大典書成受賞以還未幾
會都指揮吳玉徵兵湖廣會暴失期宗載與同僚坐
不舉察謫役楊青驛已而復起為山東道監察御史
侃侃不阿出巡交趾時稱得體比還擢詹事府丞洪
熙元年陞吏部侍郎時少師蹇義猶領部事宗載一
輔以正尋陞今官涖事久之引年致仕至是卒遣官
諭祭安葬宗載持廉守正不矯不隨學問文章俱有
時望云

叅政俞士悅各言開復銀場則利歸於上而盜無所容事下二處三司議福建三司附言者浙江按察使軒輓等奏曰復開銀場雖一時之利然凡百器具皆出民間恐有司橫加利斂人心搖動其患尤深為今之計莫若擇官典守嚴加禁捕則盜息矣朝廷是親言已而刑科給事中陳傅復請開場中貴與言利之臣相與附和乃命質往經理令福建歲課銀二萬一千一百二十餘兩浙江歲課四萬一千七十餘兩蓋雖比宣德時減半而比洪武時已十倍矣至於內外

官屬供億之費殆過公稅厥後民困而盜益衆至正統十四年五師戡定民始安戢云順天應天并直隸真定保定大名廣平順德河間山東濟南河南開封衛輝懷慶湖廣岳州浙江嘉興湖州台州諸府亦各奏江河泛溢隄防衝決滄沒未稼租稅無徵上命戶部遣官覆視以聞己卯給唐府舞陽王芝北歲祿二千石米五百石餘折鈔守備獨石等處左叅將左都督楊洪奏近者山水泛溢壞獨石龍門雲州潮河等處城垣墩臺壕塹甚多人少不能修理乞

借開平龍門二衛屯種軍餘協助從之。下庚辰陞兵
科都給事中薛讓為應天府府丞俱以吏部舉陞也。
書諭平利王範整曰王前奏韓王薨逝緣由與襄
陵王手傳奏王祖母妃之言不同朝廷以王國家至
親死亡大事特遣魏國公徐顯宗往詢其實審知韓
王實患陰厥而薨王又自陳年幼無知急遽妄奏王
與韓王同氣至親同處一城之內疾病憂患豈不相
知况有祖母妃及韓王妃并諸兄弟咸在王可妄言
乎此其用心之謬也大抵骨肉至親一人造言離間

遂至子母兄弟驚惶失措况王於國家為宗室於朝
廷為君臣尚可妄言乎今以親親念王無知姑從寬
貸然天道福善禍淫祖宗之法具在朝廷至公至

明王自今宜改飭往行悖崇孝友輯睦宗族敬謹事
上庶保全令譽王其深省之仍諭書西鄉王範坤等
俾毋念舊愆以篤親之誼書諭靖江王佐敬曰
得奏奉國將軍佐敏佐達及前儀賓陳廣不安分守
法等事具悉已遣勅諭佐敏佐達及勅輔國將軍贊
倫男佐信令曉諭廣等各守禮法改過向善用畱保

全今後軍民人等果有不遵禁約擅入各將軍府者
博者令長史司体實拿問情重者奏來處治然王嗣
承國祀為國之長尤宜体念骨肉推誠相與庶全親
親之義彼或無知構怨朝廷至公至明必不為姦詐
所惑古云礼義不愆何恤人言王其亮之 辛巳工
部右侍郎王佑言臣奉勅與太監阮安往視水决河
岸自蒲溝兇至潮縣二十餘處其要兇渡尤甚乞蒞
丁夫物料修築為便從之 壬午唐王瓊烜奏舊有
風疾已蒙賜醫治療痊可今復舉發增劇

上命太醫院擇遣醫士一人給藥餌往療之 四川馬
湖府沐川長官司女土官王氏廣東肇慶府陽江縣
徭頭黃勝富新興縣徭首黃宗宥等俱來朝貢馬及
方物賜鈔幣絹衣等物 設雲南姚安軍民府姚州
大姚縣醫學置訓科一員 甲申南京守備等官奏
七月十七日大風兩電壇壝陵廟樹木宮殿門廊馬
戰船城内外大小衙門多被損壞溺死軍民
上遣駙馬都尉趙輝祭告 太祖高皇帝
慈孝高皇后曰 以眇躬嗣承大統顧惟涼德治理有

率比者。上天示警風雨為災。良切祗懼。謹用祭告。伏惟聖靈俯垂庇佑。并遣南京守備豐城侯李賢祭告鍾山之神。叅贊機務兵部右侍郎徐琦祭告大江之神。遂勅賢琦等將所仆樹木。督工鋸取。不宜動土。嚴禁工人各加教慎。不許誼譁。褻慢。凡剝落垂脊。吻獸等件。皆令收拾。頤放。汛掃潔淨。仍令該衙門備辦合用物件。俟明年捧日。修理所壞馬戰船。并城內外各衙門。令工部及所在官司量宜。以次修整。溺死之家。依例優恤。被災之人。有在官者。所司量蠲其役。其緊要閘隘。塌壞。即令補完。無致踈虞。然南京國家根本之地。朕自即位以來。凡事減省。未嘗輕易勞民。恒恐有司奉行不至。今災沴若此。必有所致之由。爾等受朕重寄。各宜警省。表率諸司。恪勤乃職。盡心撫恤。軍民不許分外一毫侵漁。致其嗟怨。操練軍匹。不許私役妨廢。武備審察人情。閑防姦偽。亦不許因女生事。擾人。凡彼中事務。緩急軍民利弊。及不急之務。或可減省。停止者。即計議奏來。不許玩愒。自取罪愆。爾等欽承朕命。毋忽。勅諭禮部工部曰。朕惟國之大。

事莫先于事神肆古昔帝王率用茲道我國家自祖宗以來已有定制朕承嗣大統惓惓於茲比聞天下嶽鎮海瀆及府州縣社稷山川文廟城隍及祀典神祇壇廟歷年既久多為風雨損壞有司不能時加修葺風憲官巡歷所至漫不加意甚至縱容作踐褻瀆致傷和氣爾等其令兩直隸各府及各布政司即設法備料修葺工程大者酌量事宜以聞葺完之日擇人看守務在敬慎不許廢壞仍令風憲官按臨巡視其有廢壞不修及因修理害民者俱罪不宥勅諭

都察院曰近聞各處軍民徃來發人墳塚爾等職總風紀其嚴行各處巡按御史及按察司督令各司府州縣官凡境內但有暴骨在田野道路者悉令所在里老人等即時掩瘞仍嚴諭軍民不許再犯違者罪之若該管官故縱不禁者聽風憲官論罪不宥命故江西都指揮僉事屠毅孫昊襲為指揮僉事陞直隸定邊衛指揮使陳信為署都指揮僉事先是信奉勅徃通州把總提督至是御史言其與各衛官同列難以服衆故陞之戶部右侍郎焦宏等奏臣同

司禮監左監丞宋文毅等奉命踏勘壩上大馬房諸處草場多被內官內使人等侵占私役軍士耕種甚者起蓋寺廟擅立窯冶及借與有力之家耕種以致草場窄狹馬多瘦損請正其罪

上曰朝廷設馬場令內官監之而乃作弊如此論法當罪今姑寬貸令速改過其內官各賜地一頃內使淨軍各賜五十畝已蓋寺廟者勿除餘悉還官都察院仍給榜禁約每歲遣給事中御史各一員巡視敢蹈前非者必殺不宥工部奏客商販山西材木經真

定德州直沽等處欲立抽分衙門又恐虛設而所得不多請即真定府南關稅課局別置攢典一人以主抽分從之福建興化府同知劉忠言歲考弓箭段匹甚多缺官專理以致稽緩莫能完解請設雜造衙門置大使一員從之給南京金吾等衛并河南潁州等衛官軍馬九百一匹丙戌賜周世子子壘及妃祝氏通許王子墜及妃王氏鄖陵王子墜及妃李氏河陰王子壘及妃鞏氏并原武王子壻項城王子壘儀仗命故金吾左衛指揮使劉剛子青通州

衛指揮使張昇子濬彭城衛指揮使吳興子泰羽林
前衛指揮僉事王興子興永清右衛指揮僉事蕭順
子敬燕山前衛指揮僉事白蛮子王金吾右衛指揮
僉事錢實子隆俱代職 潘府黎城王佶燭薨王潘
簡王第四子宣德三年冊封至是薨享年三十有五
訃聞 上輟視朝一日遣官致祭謚曰昭僖命有司
營葬 宣府右叅將都督僉事朱謙奏緣邊野狐嶺
等處又兩壞葛峪等堡青邊等口城墻壕塹臺基甚
多乞借蔚州等衛所軍餘相兼修理永寧等處亦奏

又兩壞城垣墩臺且其地近在

天壽山後當即修

治俱從之 直隸松江府上海縣以存留糧折納穀

青八千斤解庫染人以顏色淺淡不收解夫訢其土
產更無他易 上命姑收之自後仍復輸糧 丁亥

命彭城伯張瑾惠安伯張琮均分家產瑾琮俱彭

侯夫人童氏曾孫童氏 誠孝昭皇后母也初瑾祖
昺襲彭承伯琮祖昇為都督 昭皇后以昇祿薄家
產令與之多後昇封惠安伯兄弟俱率瑾琮襲之琮
仍求多分 上謂琮曰昔者爾祖祿薄故多與之差

今爾兄弟祿相等產當均分琮頓首服於是均分之
巡按直隸監察御史吳鎰劾奏漕運總兵官都督
僉事武興叅將都指揮僉事湯節私帶家小虐害軍
人累支官料造船蓋屋請治其罪

上曰興節家小見在淮安者聽其隨住但不許子弟生
事害人及占役官軍經營買賣侵奪民利違者重罪
不恣座船每人止留一隻提督運糧時乘用多餘者
俱入官給軍運糧房屋每人番一所居住多餘者令
巡按御史撥與無房軍人住 戊子雲南廣西府彌

勒州土官知州必者奏百夫長番豆等逋負累歲稅
糧臣往催徵被彼聚徒抗拒殺臣從人劫奪良馬乞

加誅討 上命下三司覆視如果不妄則誅其首惡
寬貸其餘租稅令先後送納歲凶不能納者蠲之

定稅課司局官吏俸舊制稅課司局官攢不給俸日
令巡攔供給至是山西太原府稅課司巡攔言其所
收鈔少供給太重 上命各處官攢悉照資品給俸
革其供給 己丑給延安綏德等處官軍馬一千匹

庚寅革湖廣襄陽府稅課司官攢先是以本司課

鈔賜襄王而官擯未單至是後王請革之復書唐
王瓊烜曰承喻襄冕皮弁冠服年久請為別製選揀
新材量度足用從府中自製庶幾適宜其玉珩旒珠
玉珮等件宜就元用者不必改造王其亮之免直
隸池州府被灾糧三万二千二百九十石草四万九
千二十餘包雲南楚雄臨安曲靖大理諸府衛飢
總兵官左都督沐昂奏發廩賑濟候秋成償官從之
順天府大興縣民阮藍奏請自修通州八里河木
橋山西天城衛副千戶熊諒奏請自修越河橋從之

初有軍職停軍人役責輸錢者法司擬贖絞還職
上持命充軍定為例至是有計贓少者法司請輕之
上不從仍命充軍壬辰賜尚膳監太監尹奉庄田三
頃一十畝西鄉王範圻奏臣兄韓王範圻薨逝歲
祿例應傳支然臣祖母母并兄妃三宮俱在乞仍支
給供應為便從之復靖伯王驥外甥韓友家從驥
奏請也癸巳陞三萬衛指揮使王崇為署都指揮
僉事於開原把總管軍操備調貴州都司精銳官
軍二千人於今年八月終赴廣西總兵官安遠侯柳

溥處聽調勅捕桂林等府荔浦等縣蠻賊提督遼東軍務左副都御史王翱等奏都指揮同知胡源都指揮使裴俊每爭私忿相訐告宜令二人分管地方源管自青陽堡至松山堡俊管自古城堡至鐵嶺曾遲堡其原管軍馬門禁鎖鑰悉付都指揮宋真

上命源俊照分定地方整飭兵備謹慎防賊有功者具奏陞賞若懷挾私忿不相策應致誤事者俱治以重罪仍令真同太監楊宣協力管事但有踈虞俱罪不怒翱又奏定遼左等衛官軍三百人欲領馬匹若不

給與操練聽調恐步軍容易占使必被各官私役宜候今冬海西等處野人來貢羊例馬匹給與騎操

上是其言仍解管軍頭目不許作弊役占有妨邊備

鎮守遼東太監王彥卒上命太監喜寧檢閱其家財彥妻吳氏訐喜寧私取其奴僕馳馬金銀器皿田園鹽引等物詔宥寧罪追取田園鹽引給主餘物悉入官

漕運總兵官都督僉事武興以巡按御史吳鎰案舉其罪言鎰仇已請勿令收其家衆鞫問右都御史周文等謂興心懷詭詐意欲祈息又不伏罪似

茲稔惡之罪難逃怙終之刑乞先下興法司俟鎡覆
奏庶庶廉潔知勸姦貪警惧上竟宥之設四川馬
湖府梅涇溪巡檢司從涇溪長官司長官王嵩奏其
地多強賊也丙申命都指揮僉事李信鎮守洮州
先是信協同都督李達管事至是達年老致仕故獨
委信選取山東并直隸各府孳牧馬一萬匹以聽
給俵先是雲南徵江府新興州知州郭鉦等言本
州鐵爐關踞當衝會而山峻險蠻寇出沒剽掠行旅
請立巡檢司設土流官兼理防捕庶便往來至是布

政司覆實從之巡按直隸監察御史段信奏江都
縣揚子江沙洲上民戶不下數百餘七月間中夜風
雨大作江湖泛漲沙洲水高丈五六尺溺男女千二
十人膏產田禾滄沒無筭越三日風息水始縮

上命御史府縣官出官錢葬溺死者而給存者以食滄
沒田畝悉蠲其稅有軍餘五人各以侵占官田私
獻皇親指揮孫紹宗事覺上宥紹宗罪追田入官
丁酉陞沙州衛使臣副千戶亦刺馬丹為指揮僉
事陞陝西都指揮僉事羅景生詐索土達財物降寧

夏衛指揮同知 戊戌工部言直隸保定府容城縣
兩水泛溢決社村口隄七處與車道口相連勢成河
道湍急尤不易築請委保定府佐貳官蒞附近丁夫
修築從之 夜月犯天街上星 己亥賜代府隰川
王遜燦并妃袁氏儀仗撥與內使二人 命順天等
府并浙江等布政司今後鄉試畢將試院內物件發
在城府分收貯看守待下科取用不許各官侵欺入
已及重科取於民從山東按察司按察使張鵬言也
庚子陞通政司左通政李錫為通政使以九年任

滿故也 上退朝召各營總兵官及戶部臣諭之曰
在京操練官軍辛勤宜加賞勞其馬隊官軍人賜銀
二兩步隊人賜銀一兩舍人幼軍餘丁人賜銀五錢
凡賞二十二方餘人共銀三十餘萬兩 四川董卜
韓胡宣慰使司招出止烏地生番土官刺麻番僧也
失朶兒只以藏卜等貢方物賜綵幣襲衣有差 四
川威州保縣民夜至鎮夷關圍其仇家殺之巡按監
察御史陳貞黻案守備都指揮僉事鄧寧不嚴防禦
請治其罪 上有之第責其罪狀罰俸一月 工部

言河南山水泛溢灌衛河沒衛揮開封慶懷彰德民舍壞宣武衛懷慶守禦所城隍廟金甌不屬四縣上命所在隨宜修理民失所者撫卹之辛丑命各處土官衙門應雜兒男俱照軍生例遣送官學讀書鄉試其相離地遠者有司計議或二衛三衛設學一所從貴州思南府經歷李驥言也巡按直隸監察御史江玉琳案池州知府葉思販鬻子女而妄以在赦前出之又匿其納受財物之罪都察院請收治玉琳從之壬寅雷震

奉先殿鳴吻順天府固安縣知縣李鐸索所部財宜黃縣丞袁玘因公科歛下錦衣衛鞫問送法司論罪俱當贖徒為民上命謫戍邊衛以警其餘癸卯陞太常寺少卿蔣守約為本寺卿且勅其敬慎廉潔表率僚屬供事神明毋怠毋忽自上以風雨過多勅戶部臣曰今歲南北直隸軍民被水災甚多者朕甚憫之爾戶部其令所司加意存恤無量煩擾有缺食者賑之仍蠲其租及歲辦物料命都指揮僉事陳剛于永寧把總管操都指揮僉事韓忠回萬全都司

管事從總兵官永寧伯譚廣等奏請也。命都察院揭榜禁約各處官司豪橫之徒，毋得巧為科歛剋害軍民。兵科給事中劉益奏大寧都指揮僉事李杲不早啓城門，逮至刑部論贖杖還職。上以杲偷惰廢事贖畢仍任俸三月。甲辰，陞直隸河間府同知廖謨為本府知府。謨初以僉事調佐河間，潔已奉公，盜息訟簡。至是，知府缺，所屬州縣官耆民奏保護堪陞任。上謂吏部臣曰：「郡民既不釋謨，非惠政何以得此？」其即陞為知府，以慰民望。河南都

指揮僉事林祥奏原領河南官軍在京操備半年一換，今調宣府操備。若照京例半年一班，寒暑不均，往復不便。乞照舊例一年一換從之。先是在京內官

軍民人等侵種良牧署草場及土城外沿河內外舊吳西琉璃窯廠等處官地凡數百頃，并鳳陽府衛軍民新闢地方餘頃俱未起科。至是遣官經量悉令納稅。上又四川建昌衛土官指揮使安均遣人貢馬，賜絲幣

襲衣等物。是乙巳，東宮下詔，命百官以禮。上親告于重六廟太皇太后，皇祖考仁宗昭皇帝。

皇考宣宗章皇帝曰茲者本月二十五日早雷震
奉先殿賜吻是蓋 秉德不類政事有乖以致

上天示警 祖先弗安 不勝惶惧之至謹用祭告慰
安 聖靈免圖修省以回天意并遣官祭告

昊天上帝 后土皇地祇 勅雲南總兵官左都督沐
昂等曰得奏言銀玩年遠坍塌即令軍民缺食用人
採辦有妨屯守然朝廷重在恤人利非所計頃因言
者以雲南罷散慮軍資民食不給欲因山川之利以
資官民之用今爾等具言地利人情如此所得不償

所費朕聞之惻然勅至即如舊停止與民休息爾等
宜提督軍衛有司用心存恤軍士撫綏夷民遇有缺
食即設法賑濟不許纖毫剝削尅害違者即加懲治
重則具實奏聞爾等其欽承之 丙午勅沙州衛都
督僉事喃哥都指揮使克羅俄領占曰爾沙州衛附
近西陲自我 祖宗時設立衛分爾父困即來首膺
簡拔授以官職撫治人民迨今四十年餘忠誠一人
近以壽終遣官賻祭今爾兄弟來朝頭目人等保爾
承襲朕以爾喃哥係嫡長子命襲父職為都督僉事

掌衛印信爾克羅俄領占係第三子特除都指揮使
協同管事爾等宜體朕眷待之意堅守臣節兄弟一
心撫安部屬庶副委任之重刑部尚書魏源卒源
字文淵江西建昌縣人以進士授監察御史釋寃起
滯所至有聲秩滿陞浙江按察副使未幾召署刑部
右侍郎會河南飢調河南左布政使以賑卹之民得
其所流亡來歸歲仍有秋復進刑部左侍郎令從二
品祿奉命整飭四川邊務一時明法施令群廢畢譽
還拜尚書後奉命往西北督察諸將以便宜從事謹
關防嚴守禦調發驍勁劾奏怠忽修城堡飭器械搜
捕逃亡措畫方畧皆當其可權豪側目源弗之顧還
任久之病足不能趨朝遂乞致仕至是卒命有司葬
祭源儀觀宏偉寬厚有量京師嘗大水其屬官所居
被滄源聞之盡以宅傍空地分與之有讞獄不當者
怒斥之隨以事來議與笑談初不留怒得大臣之體
云

大明英宗睿皇帝實錄卷之十一

正統九年八月丁未朔釋奠先師孔子遣翰林院學

士親詣太廟行禮遣順天府官祭宋丞相文天祥勅太

保成國公朱勇等并五軍三千神机等營曰朕念軍

士艱窘命有司給銀兩以優卹之而管軍頭目却以

大置脩軍裝為名因而措克之爾等畧不禁戢甚者又

假公事以科欵役操軍以種田撥厥所由罪必有在

已命御史察糾亟改前非毋貽後悔山西平陽府

湖廣荊州府并沔陽州各奏以七月不雨禾稼告稿

大明英宗睿皇帝實錄卷之十一

正統九年八月丁未朔釋奠先師孔子遣翰林院學

士親詣太廟行禮遣順天府官祭宋丞相文天祥勅太

保成國公朱勇等并五軍三千神机等營曰朕念軍

士艱窘命有司給銀兩以優卹之而管軍頭目却以

大置脩軍裝為名因而措克之爾等畧不禁戢甚者又

假公事以科欵役操軍以種田撥厥所由罪必有在

已命御史察糾亟改前非毋貽後悔山西平陽府

湖廣荊州府并沔陽州各奏以七月不雨禾稼告稿

鹽因而剗掠朝廷遣官禁革非徒欲鹽法流通實欲
斯民人安也近者浙江所屬府縣籍記軍民之家計
口月令納米三升買鹽一斤其富商大賈持鹽赴官
官為歛散追徵之急過于租賦且浙江近歲荒歉貧
下之民體粥不給豈能計口出米以貨鹽哉今奪貧
民之食以益富商之資甚非卹民之意也况鹽法不
通實由豪民載以舟車彼近場小民背負纖毫易米
充飢豈為大害請勅巡鹽監察御史除舟車所載嚴
加禁革其負十斤以下者勿論民間食鹽聽其自買

毋復計口月給則鹽法通而民不困矣從之
太平府當塗蕪湖繁昌各縣河泊所魚戶耗乏過半
而徵課如舊所司以聞上命止徵其見在者餘悉
免之
巴酉書復襄陵王冲炆伊王顯焮曰承喻衮
冕皮弁等冠帶服鳥年久請為別製今持選紗羅紵
絲鮮明者量度足用付府中自製庶幾適宜王珩珣
珠玉珮等件宜用舊者專此奉復叔祖亮之
庚戌
封交城王美垸長女為萬全縣主配張瑛命瑛為宗
人府儀賓賜誥命冠服等件
命武定侯郭珣佩鎮

朔將軍印克總兵官鎮守宣府勅之曰宣府密邇京師逼臨胡虜最為要地今特以付爾宜體朕心持廉秉公正身率下選拔智勇兼用群策撫軍士廣屯田務俾軍威振舉邊鄙肅清庶不負委任之意召宣府總兵官永寧伯譚廣還京勅之曰卿久在邊陲克効勞勩比聞年老不忍重煩以事卿宜亟來用副朕優待老臣之意刑科給事中鮑輝言各府州縣官九年考滿多因在任買田置宅娶妻立籍恐遷別處要民保留甚為妨政章下吏部言保留舊例不可以

一妨十惟宜申明所隸上司嚴加覆覈

上曰朝廷於牧民官許民保留陞以祿秩者固為民計也第行之既久不能無弊今後有保留者其令巡按御史布按二司及該府官從公會覈果有廉能公勤撫字有方者具實蹟奏來若所保官有如給事中所言者及御史等官徇私保勘俱治以罪吏部同都察院宜即移文通諭之鎮守陝西右都御史陳鑑奏陝西州縣數月不雨麥禾俱傷民之弱鬻男女強者肆剽掠臣發領廩賑濟官為贖還男女四千人獲

劫掠者千九百人其未獲贖者尚多乞今歲租稅量
蠲四分其六分米布兼收從之凡蠲米四十八万六
千石有奇 辛亥命加木隆宣慰使司番僧耶捨朶
兒只巴截卜為淨修崇國師賜之誥勅 壬子命直
隸保定府推官徐堅復任陞正六品俸先是堅九年
考稱當遷所屬州縣官民以堅律已公勤理刑允當
奏保復職至是巡按御史等官覈實吏部以聞故有
是命 革臨清壩官初平江伯陳瑄奏設臨清閘壩
遂廢至是乃革其官 甲寅命翰林院侍讀周叙侍

講王一寧為順天府考試官賜宴于本府 擢進士
畢鸞胡貫任寧章文為監察御史從右都御史王文
荐奉也 四川建昌衛土官指揮使安均遣弟安全
保等昌州長官司遣把事阿直等董卜韓胡宣慰使
司刺麻頭目也失朶兒只以截卜等俱來朝貢馬賜
宴并賜鈔絲幣表裡紵絲襲衣有差 大理寺卿俞
士悅等言例文職受財枉法滿貫當絞者充軍其不
滿貫者俱贖罪為民武職出百死一生得官今生流
徒杖者槩充軍則前功全棄而罪反重于文職乞令

武職受賍私縱操卒滿貫當死者充軍其餘不滿貫
當徒流杖者如舊贖罪還職則不惟優待武臣抑且
寬卹刑典從之 乙卯命駙馬都尉沐昕署宗人府
事 命南京兵部右侍郎徐琦復職先是琦以先年
考滿復職仍恭贊南京機務至是又歷三年奏欲詣
京考滿 上以恭贊事重就令復職 甘肅總兵官
寧遠伯任禮等奏赤斤蒙古衛都督阿速遣人言瓦
剌也先嘗欲與都督且旺失加為婚未諾茲又遣使
固求阿速妹先要親人往受聘禮亦未之諾臣思歸

順朝廷已四十餘年今被達子累行侵擾不能業安
欲遷居善地 上賜勅諭阿速及頭目人等曰爾赤
斤蒙古自我 祖宗時設衛授官多効勞力遇有事
務寧不加意保卹去歲且旺失家嘗奏也先結親之
事已諭令各從所願今彼誠欲求親則當遣人賫送
禮物豈可呼其親遠取財物乎且爾為一方之長受
朝廷重爵有土地人民之寄又可屈已而遠取微物
乎万一為彼所制悔將無及爾等宜以善言辞之斯
為万全且爾斤赤地方去邊境不遠係爾祖父世守

之地足可耕牧養贍今無故欲遷是自示怯弱棄爾善地或為人所乘欲復不可得矣乞勅總兵等官踏看境外附近有無山川險固可以保衆禦寇之處奏未處置爾等宜仍舊安處毋自驚疑果有警急馳報總兵等官悉為爾裁處不致踈失爾阿速與且旺失加亦當奮忠賈勇獎率頭目同心戮力撫治人民務使地方寧靖外寇不敢侵侮則爾等功名愈著朝廷爵賞愈加爾等其勉之備增設福建建寧府雜造局大使副使各一員宣宣府右叅將都督僉事朱謙為

所部發其後占軍人科索財物諸罪覆之有驗上以時適防秋宥之茶巡撫大同宣府僉都御史羅亨信奏大同宣府自正統六年以磚甃城至今未能畢工請以河南操脩軍夫協助從之丙辰命永康侯徐安成安侯郭晟印記南北二太僕寺馬一大同總兵官武進伯朱冕奏山西都指揮同知田增役軍人盜官物治私第納強賊金帛縱不之擒又私市瓦刺使臣生口下巡按御史論當贖斬還職法司以例請調沿邊都司聽總兵官調遣從之伊府長史徐鐸

服滿不起復法司坐贖杖還職改用
上曰鐸姦計正不欲在王府其特點為民以示戒
已命應城伯孫傑充總兵官鎮守薊州永平山海等
處守召鎮守永平等處總兵官都督同知王或還京
以其年老故也設甘肅譯書達字通事一人從太
監劉永誠言也戊午停徵雲南廣西府逋負稅糧
課程以累歲薄收故也己未遣官祭山川城隍等
神遣旗手衛官祭旗纛之神迤北韃靼脫脫伯
孛羅不花等來歸命為所鎮撫於南京錦衣衛支俸

賜綵段表裏金織襲衣房屋器皿等物廣西布政
使揭稽等奏近從江西僉事夏時言編定均徭圖籍
凡民間徭役悉案圖更代然廣西地臨邊徼繁難拘
定式請如舊制相時差遣為便從之革廣西神電
衛稅課局辛酉陞監察御史曹泰為四川按察使
張謙為山西按察副使黃文政為僉事撒力為都指
揮同知指揮使薛令為都指揮僉事賜江西按察
司僉事朱良暹勅命并封增其父母妻近制內外官
俱九載考稱始給誥勅良暹先任御史將九載陞今

職至是陳情乞賜御史勅命為父母榮吏部覆奏從之
勅緣邊諸將曰使臣歸自瓦剌言虜閱兵利器交構
兀良哈諸部意在寇邊爾等宜豫為備禦之計
浙江按察司僉事彭貫奏舊制屯田授之軍者每畝
輸粟五斗田有餘授之軍餘及民者輸亦然衆多不
便田以荒閒臣以餘丁非正軍比民有雜差又非餘
丁比請遞減之餘丁畝輸二斗民畝一斗其荒田待
耕三年後如例徵之庶民軍兩利田不荒閒從之
日生左珥黃赤鮮明壬戌巡按陝西監察御史程

憲言去歲虜犯延綏境守備指揮尹禎等率衆追及
之於單窰兒梁與之接戰射中虜一人墜馬虜衆奮
勇直前衝擊殺死官軍五十餘人餘丁爭棄器械卸
甲胄跪伏乞命虜遂不殺止褫其衣服縱之裸形還
營竊聞此虜每與官軍戰輒用此計示以可生之路
地其必死之心故我軍遇虜不肯力戰往往致敗推
原所自皆將領不得其人操練無素踈令不嚴所致
也乞勅兵部堂上官一員監督邊兵戒勅將吏倡其
勇敢作其怠惰毋墮虜計上是其言 癸亥趙王

瞻塙奏以諸子受封欲詣闕謝恩其言
上以遠道跋履良艱復書止之
劉聖為郎中從尚書胡濙奏請也
都指揮使陳泉年老乞致仕命其子政代為指揮使
甲子書復楚王季墩曰承喻憲王嘗請立昭園莊
園碑已命儒臣代撰文并碑額附去可量宜礮石鐫
刻叔其亮之
聽選主事楊珏以比者所獲強竊盜
俱引奏裸形繫手其狀醜惡上瀆
尊嚴請革之刑部尚書金濂等以為此正統八年特制

也蓋引奏所以使兇頑知警良善獲安珏言難從
上以為然
監察御史趙忠奏浙江蘇松兩水經月不
消蘇松地下西有太湖東有吳松江劉家港北有陽
城湖白茅塘皆引流注海今不利泄水者緣近水居
民畏水預築堤堰自禦遂令水勢淤遏不泄乞勅所
司去民間私築堤堰命巡撫侍郎周忱按實從之
乙丑免山東所屬并直隸揚州府所屬被灾糧二萬
八千餘石草四萬五千餘束
丙寅書復慶王秩燧
曰承喻欲往韋州展祭先塋足見孝敬之意特從所

請但州近邊在途宜加謹慎事畢即回護從官枝人等宜節量帶去仍嚴切戒飭不許分外生事擾害官民庶不有累令德叔祖亮之夜有星大如杯色赤有光燭地出危宿東南行至羽林軍後三小星隨之戊辰巡撫大同宣府僉都御史羅亨信言大同新立威遠衛城壁不堅操備軍士僅三百人又多遠方編發者未經戰陣方一虜寇越淨水坪直犯威遠何以支持臣愚以為宜於淨水坪復立馬營仍舊摘撥馬步官軍千人於此守備則虜人不敢突入而大同

亦得以保障矣事下兵部請命總兵官計議以聞從之○革廣西桂林府并全州陽朔縣灌陽縣四河泊所○己巳義勇後衛帶俸署都指揮僉事鞏貴為人發其受所部官賂休其校閱且冒為領賞賜銀法司論當贖斬還職○上特命枷示教場揭榜諭衆庚午浙江台州府知府李性坐杖死府吏侵盜贓銀諸罪法司論雜犯死赦前免科○上以性貪暴特命謫戍邊衛○設涼州衛醫學置官降印○辛未命濟州衛指揮同知李瑄子弘為指揮使以瑄備禦遼東死

於虜故也。直隸涿州奏請修胡良等四橋固安縣
奏請築小屯廠等堤從之。甲戌初命南京造荆府
樂器祭器修貞靜順妃墳永嘉大長公主生墳以風
雨過時未完會有勅減省豐城侯李賢因上所修造
費。上曰材料已集者速完未集者已之。賞都指
揮僉事王清指揮武毅千百史戶鐸旗軍葉茂等六
十二人鈔幣絲段表裏有差以廣西潯梧等府殺賊
功也。勅緣邊諸將曰比使臣自瓦剌回備言也先
為人兇狡桀驁信諛多疑專行詭道而兀良哈頭目
拙赤等又在彼請兵圖為報復沙州赤斤皆與結親
哈密忠順王兄弟亦為所剗制其心蓋昭然可見矣
今雖朝貢安知非詐卿等宜同心協力徑畫方畧為
先事之備。致仕山西左布政使馬麟卒麟松江華
亭人永樂以人材超拜布政使居官餘二十年民安
之正統九年以老病乞致仕至是卒。

大明英宗睿皇帝實錄卷之一百二十一

正統九年九月丙子朔迤北頭目孛羅失里及第乃

顏台完卜林等七人來歸命為千戶等官居之南京

隸錦衣衛賜冠帶房屋器物免陝西輪班及逋逃

人匠以鎮守都督同知鄭銘言地方旱暵人多艱食

也此外設四川叙州府富順縣趙化鎮巡檢司從知縣

李真奏請也命各按察司照在京法司問囚納紙

事例減半追紙送布政司收貯支用餘者年終類解

順天府從江西按察司副使焦宏言也丁丑免南

京錦衣衛被安屯田子粒五万六千七百九十餘石
戊寅甘肅總兵官寧遠伯任禮等奏陝西行都司
所屬俱臨極邊近選精健旗軍二百九十九名充夜
不收常川出境探報聲息勞苦倍於常軍而糧賜與
衆無異乞于月糧內增給本色米五斗庶得養其銳
氣從之 己卯寧夏總兵官都督同知黃真等奏乞
簡選寧夏衛分旗軍馬匹第為二等上等者充奇兵
專委勇畧都指揮一員統領之無事則操練有警則
調發次等者按季更番哨守營堡仍乞命叅贊軍務

監察御史糾察敢有調遣不公及私自役使者具實
奏聞區處從之 庚辰命京國子監祭酒陳敬宗復
任教宗九年秩滿至京以哀邁請致仕吏部覆奏

上曰敬宗學行老成正宜模範後學未可以去其令復
職 陞應天府溧陽縣縣丞鄒瑄為本縣知縣先是
瑄九年考滿當遷邑民告保復任陞正七品俸至是
知縣缺員巡撫侍郎周忱又為民奏保陞補故有是
命 巡按廣西監察御史黃英言工部新降大樣軍
器令各衛所如式成造然廣西地方多高山深澗恐

不便于用又况成造物料皆出諸民既無食用徒費民財乞令各衛所將未完者仍如舊式造完其新樣物料暫停以甦民困從之 辛巳擢進士審瑛為禮部主客司主事楊瑛為禮部精膳司主事 命陝西布政司支大絹五千四百疋於鞏昌等衛買馬給軍騎操從總兵官寧遠伯任禮奏請也 罷修南京吏部戶部禮部詹事府先是以南京大風雨勅守備豐城侯李賢等事有不急可減者停止者以聞賢等以是為言故罷之 甲申重陽節賜文武百官宴

革廣西南寧府武緣縣那馬博合二巡檢司

酉

上諭戶部臣曰近聞山西等處民逃年多有逃于河南地方居住不才有司不能招撫安緝以致遷徙不常或于田多去處結聚耕種豪強之徒自相管束布按二司官苟且遷延不思處置慮有飢荒相率為盜令巡撫少卿于謙詢訪同彼二處方面官從長計議撫安方畧奏聞區處務在使臣安業不致為非 給獨石等城堡馬七百匹有奇 丁亥命靖遠伯王驥右

都御史陳鑑往西北沿邊整點軍馬驥先往延綏寧夏後至甘肅鑑先往甘肅後至延綏寧夏凡邊防事宜悉聽便宜處置命都指揮僉事劉廣代都指揮胡麟鎮守肅州麒回總兵官寧遠伯任禮處聽調先是田上以各邊銅銃數少恐誤邊備命工部具數以聞至是於原數外量宜增加遼東五百三十五延安綏德等處八百三十永寧二十宣府三百二十寧夏一百甘肅五百仍令成造速完遣人往給之陞鎮守延安延德都指揮僉事王禎為都督僉事仍舊

鎮守勅沿邊提督軍務副御史等官王翱等比得降虜言北虜計議待我使臣回日即攜其家屬於堆塔出晃忽兒槐地面潛住分兵兩路入寇脫卜花王率兀良哈東侵也先率哈密知院卿等宜戒飭將吏練軍馬膳營壘多遣間諜以覘之堅壁清野以待之使其進不能戰退無所掠卿等其慎之己丑命興安伯徐亨鎮守陝西監察御史馬恭協督寧夏軍務俱賜諭之命太僕寺少卿沈升復任以九年任滿也戶部右侍郎王質卒質字夢瑾真隸太和縣

人由鄉貢為南陽縣學訓道秩滿擢監察御史宣德
十年陞四川叅政尋遷山東右政布使正統六年陞
戶部右侍郎八年刑部缺尚書上命廷臣擇老成有學公廉謹厚者衆以質對遂陞刑
部尚書居五月以失獄囚左遷戶部侍郎會閩浙銀
場盜起命質往治其事至彼得疾或謂行可少緩質
不聽至抗之武陵驛卒有司為備棺斂送至故里訃
聞遣官賜葬祭質在四川嘗言十事皆中時弊每行
郡邑不食肉惟啖青菜蜀人呼為青菜王為人平易

廉而不苛博學善記不能融會為文其僚友嘗曰質
之學如蜂採衆花不能成蜜云 庚寅擢訓道等官
孫謨周文李琮周文盛陳雍曹敬為監察御史謨等
初以吏部選送都察院理刑至是考中故擢之 廣
昌王美堅奏臣祖晉恭王父廣昌悼平王遺留繪容
未有詞堂欲如伯父寧化王啓建而料物工匠皆無
從出乞以命有司 上曰山西民力罷敝豈宜重困
其令王自造之 辛卯召鎮守陝西都督同知鄭銘
還京以其年老也 定西戍蔣貴擅管左哨馬步官

軍操備因其奏乞緣史書辨上始知之曰軍馬重
事非奉命不得預蔣貴何所受命而管左哨成國公
朱勇何故容之論法皆在所不宥念其大臣姑從寬
貸建州左等衛都督凡察董山遣女直千戶大藏
吉等奏事賜之綵幣免直隸鎮江府旱灾糧七万
九千八百二十餘石草六万八千二百六十餘石
夜有星大如杯色青白有光出危宿西行至游氣
壬辰命工部右侍郎王永和提督軍器寺局
命故右軍都督府都督僉事曹儉子淳襲為指揮使

浙江都指揮同知王英奏臣祖母孟氏母杜氏俱
在湖廣荊州府居住乞將臣該支俸米移彼養贍從
之乙未巡按陝西監察御史蔣誠奏都指揮僉事
岳廣受狀不理請治其罪上曰廣鎮邊衛無重情
其貸之曉刻月犯井宿戊戌給趙府臨漳王祁
鑿湯陰王祁鎡襄邑王祁錕歲祿各二千石半鈔中
半兼支少師楊士奇男稷死錦衣衛獄中稷挾父
勢掘他人墓葬已祖多養無賴子為奴強奪婚姻家
田地子女擅抽分高貸屢殺同鄉無罪人為怨家所

許也。已亥立雲南隴川宣撫司以麓川頭目恭項
為宣撫使時麓川既平恭項請除授官吏總兵官左
都督沐昂僉都御史程富等議奏恭項首先歸順屢
効力勞乞量授官職於麓川故地開設衙門
上從所言立宣撫司設宣撫使同知副使僉事各一員
以恭項為使副使以下僚屬俱命恭項推舉以聞
都察院錄京衛指揮千百戶二百二十二人受賂放
軍。上曰此屬論罪俱當死姑宥之再犯不宥。庚
子慶成王羨靖祖母蘇氏卒遣官致死營葬。辛丑

陝西布政司奏往歲所屬官倉積糧數多奏將甘寧
等處官軍月糧增給今所屬各府連遭亢旱百姓徵
納艱難况官倉收積漸減於舊乞加樽節前所增給
者已之為便從之。壬寅初四川草坡賊加悟以私
忿殺寒水巡檢乘勢劫掠居人比進捕之遁匿雜谷
至是雜谷土官朶兒思加為請於朝乞貸其死
上以其既知悔罪宜聽自新敕朶兒思加開諭之如果
服罪輸情躬詣所在官司陳首歸所侵掠當貸其死
若頑拒不悛必發兵勦捕盡殺乃已其有陰相比附

蔽護黨匿者罪并及之 初肥河衛都指揮別里格
奏兀良哈拘殺其使人朝廷許其報復別里格遂同
嘔罕河衛都督你哈答等率衆至格魯坤迭連地與
兀良哈頭目拙赤安出等戰大敗之遣指揮咬失以
狀聞 上賜綵幣獎諭之時兀者衛指揮莽刺隨別
里格往諸部互市格魯坤迭連之戰達寇悉掠其所
賣莽刺忿其強暴復請于朝欲率衆追殺從之 癸
卯命南京禮部右侍郎趙新為吏部右侍郎 直隸
廣德州奏本年七月大雨居民所種田禾俱淪沒事

下戶部覆之 甲辰命錦衣衛帶俸都指揮僉事哈

答子脫連帖木兒襲為指揮使 廣西總兵官安遠

戾柳溥言廣西在城二衛罷軟官七十八員俱以幼
年承襲失于讀書不明義理所以不堪委任乞於操
練之暇令其讀誦經書講解故實庶知禮義庶耻及
尊君親上之意仍委通文墨指揮一員督教及行提
督學校僉事一体考校從之 南京工部奏請修理
操江戰船四十餘艘為風雨所損壞者從之 夜有
流星大如杯色赤有光出奚仲西北行至天紀後二

大明英宗睿皇帝實錄卷之一百二十一

大明英宗睿皇帝實錄卷之一百二十二

正統九年冬十月丙午朔日食享

太廟遣中官祭司井之神以下元節遣官祭長

陵獻陵景陵命大同總兵官武進伯朱冕寧

夏總兵官都督同知黃真鎮守延安綏德都督僉事

王禎守恪偏頭關都指揮馬貴巡視塞外先是真奏

乞於天暖草青之時會大同延綏偏頭關邊將各率

輕騎出境巡歷起自東勝黃河西抵百眼井按視賊

來徑路豫知地利所在遇倣乘便易於追勦兵部下

其事於冕等議冕言大同距寧夏頗遠難以合兵大
同與偏關近臣與馬貴各整軍馬出境會于東勝寧
夏與延綏近宜令黃真與王禎各整軍馬出境會于
百眼井從之備德州耿家灣等處隄一夜五鼓北
方生黑氣一道長約餘十丈闊餘五尺離地餘三尺
徐北行漸散丁未命道錄司右演法邵以正點
校道藏經于禁中建永樂十年進士題名碑於南
京國子監初太宗皇帝既策進士畢巡幸北京故
碑未建及是祭酒陳教宗以為言

上從之命翰林院侍講學士王英撰文勒碑碑永寧伯
譚廣自永樂中出鎮北邊至是召還陛見年已八十
餘上憫其老難以步趨特免常朝金吾後衛帶
俸達官指揮千百戶蔣勝等奏臣等父祖俱于洪武
間降附蒙撥通州令公屯等處居住許令開墾荒田
自種自食後因征討有功各陞官階近者戶部額定
種地事例臣等所種一槩俱令起科恐不安生乞賜
區處上諭戶部臣曰朝廷待遇臣下豈計小利勝
等所奏田地既係洪武間撥賜俱令照舊耕種其該

納子粒弗徵。戊申命故錦衣衛達官指揮使迭兒
必失子北斗奴襲升都指揮僉事湖廣清浪衛指揮
使陳忠子節襲陞湖廣都指揮僉事俱以其父從征
麓川陣亡故也。烏思藏大寶法王遣刺麻鎖南傑
等獻馬及佛像舍利等物賜之綵幣。己酉賜永寧
伯譚廣無額荒田三頃四十畝從其奏請也。宥陝
西都指揮使馬讓左布政使郭堅按察使鄧察等罪
讓等弗嚴提督致強賊二十餘人反獄事聞命陳狀
讓等文飭都察院劾奏之請命巡按御史鞠治。

上宥其罪命錄劾章示讓等俾亟捕逃賊不獲不宥。
辛亥命國子監生楊傑等八十八人歸陝西時陝西
旱飢傑等自陳家有父母恐供養有失乞歸省視
上許之命俟稍稔即復監肄業。壬子命刺麻耶捨朵
兒只巴藏卜為靜修崇善國師給銀印誥命并賜衣
帽先是加木隆宣慰使克羅俄監祭言哲兀窩寺在
加木隆西北境外富庶甲於諸簇前此未通朝貢有
耶捨朵兒只巴藏卜者為衆所服今願以土地人民
內屬乞與一名分委任之必能効力且遣人道之入

一 故有是命一戶部奏山東青州府荒旱該徵秋糧起
運遠食者已令殷實之家送納外其存留本處糧民
願折納綿布於沿海軍倉抵數

上憫其飢荒從之宣癸丑襄垣王遜燁奏自幼失母保
護有關遂得齒疾脫落之餘所存無幾而守國塞下
二 方藥所須百無一二乞賜頒給以資調適凡求藥百
餘品并書六十部大抵多異方雜說及諸金石之劑
上命止以仁孝皇后勸善書為善陰陽二書與藥性和
平者給之且諭以書言清心省事自然能底壽康過

爾紛紜恐有損無益命迺刺脫脫不花王及太

師也先使臣卯失刺等一千八百六十七人來朝貢

馬三千九十二匹并膏也先母敏答失力阿哈所進

狐白皮以獻命皇太后宴賜有差命河南右布政使

年富初任陝西右叅政威嚴廉直任滿將赴京吏部

會官舉陞今職有言富酷虐者

上命吏部查富舉主以聞欲罪富而連坐之尚書王直
等言少保禮部尚書楊溥所舉命上意乃解命移文
諭富令其用心理事如再酷虐軍民必罪不貸命乙

卯山西都指揮僉事張瑄子誤傷人命瑄匿弗舉事
司請鞫治上曰姑宥之仍錄狀以示丙辰陞浙
江慶州衛指揮使王政署都指揮僉事提督溫州等
衛海道從巡海御史等官康崇等奏保也設廣西
思恩府在城蘇韋古陵三驛丁巳命河南都布按
三司營伊王庶子府第從王奏請也陝西平涼衛
土官所鎮撫朶羅禿岷州番僧着即尖替泰寧衛指
揮討均等來朝貢羊馬及佛像舍利賜綵幣有差
巡按四川監察御史俞本奏威州古氏羌地王董二

姓世為婚姻曩者董敏以軍功陞巡檢王永不平遂
殺死敏人口朝廷特宥永而敏訟寃不已臣訪永與
雜谷夷人共類敏與董卜韓胡共宗若制馭不早貽
患匪輕乞勅大臣一員總督軍務以控制之庶消未
然之患上曰不必命官兵部移文四川三司暨巡
按御史計議處置如敏永果各安分守法則已万二
聚衆為非即會官熟計相機撫捕期於事妥夷安或
他有方畧其實奏聞戊午蘄州造荆王府成
上以書報荆王瞻垞今日擇時月往居之吏部聽選

官夏澄言臣原籍浙江上虞縣凌湖洪武間嘗遣官
疏通積水可溉田八百餘頃近因年久湖口深闊雖
有土壩隨修輒壞以致不能積水乞於湖口作石閘
量水勢高下而為啓閉庶旱則高田足以灌注雨則
窪田不致滄損勾容縣稅課局大使葉俊亦言本縣
有河漑田邇來壅塞水不能積稍有亢旱田禾即荒
僅致薄收乞疏通之事俱下工部覈實覆奏從之
已未賜駙馬都尉薛桓生母王氏誥命追贈陽武侯
夫人從桓奏請也命故金吾左衛指揮同知王貴

子瑛府軍前衛指揮同知常榮子能羽林右衛指揮

同知朱貴子輔俱襲職 謫監察御史李儼戍遼東

鉄嶺衛儼在光祿寺監叔祭物太監王振遇之怒儼

應對不跪遂下錦衣衛獄已而謫之 辛酉陞南京

都察院右副都御史周銓為左副都御史仍提督倉

糧如故銓九載秩滿吏部以聞故有是命 設江西

袁州府方輦縣鐵山界巡檢司洋鄉縣草市巡檢司

夜望月當食不食 壬戌命遼東金州海州二衛

春秋擇日記天妃廟令守備官行事從山東按察司

副使王憲奏請也。雲南總兵官左都督沐昂等奏
麓川頭目曩渙來歸願捕賊自効。東金世宗二十
上命其還守本土撫民捕賊。侯有功陞賞。自今凡來歸
者視此例。靖遠伯王驥等奏延安綏德地方廣遠
通賊路多我兵聚之則防禦不周分之則勢力寡弱
即今備冬除各榮寨墩隘哨守官軍外惟都督王禎
王斌所領各千人東西相距遼遠有警恐難策應臣
等議於陝西見操及甘肅下班官軍內更選一千人
令都指揮楊得青統領時於延綏往來哨守俟春暖

仍還各處戍邊境有脩易為調遣從之。癸亥

誠孝昭皇后大祥遣官祭 獻陵 上不視朝率親王

祭奠几筵 夜有流星大如杯色青白尾跡有光出

室宿西北行至游氣 甲子

誠孝昭皇后祔 廟免文武群臣朝 書昭晉王鍾鉉
曰日者臨泉王奏儀賓高遜諸不法事朕念其親貴
特免追問止令御史拘捕干問人犯而遜乃不体朝
廷推恩寬貸之意曲庇微賤之人擅昇靈石郡王置
察院門欲為抵禦之計虧辱宗親乖違礼体論法難

容今姑宥其罪但罷其祿給革去冠帶令洗心改過
用蓋前愆如復不悛必以祖宗大法治之弟其明
示朕意嚴加戒飭毋俾其終陷罪戾禮部尚書胡
濬言迺北朝貢使臣例錫宴於本部今來使數多一
日之中難於合宴請以乙丑宴瓦剌卯失刺等丙寅
宴回回鎖魯檀等從之永寧伯譚廣卒廣丹徒人
洪武初為府軍衛伍長從征金山亦迷河陞錦衣衛
隊長帶刀宿衛尋授燕山中護衛百戶從征乃兒不
花轉左護衛從太宗皇帝靖難累功歷陞指揮同

知留守保定尋陞指揮使都督韓觀兵十二万攻保
定廣以孤軍拒四十餘日伺敵懈出兵擊走之永樂
元年陞大寧都指揮僉事董工營建北京既而領神
机營從征迺北克驍騎將軍又從征九龍口為前鋒
賊數万騎憑岸列陣廣以神箭万人射之死者無筭
乘勝揮左右夾擊賊大敗陞中軍都督僉事賜白金
文綺鞍馬二十二年陞左都督克總兵官佩鎮朔將
軍印鎮守宣府正統六年以勦胡寇功封永寧伯賜
誥券授奉天翊衛宣力武臣特進榮祿大夫柱國食

祿一千二百石。上念其久鎮且老命武定侯郭鉉代還未幾卒年八十二訃聞輟視朝一日遣官奠祭謚襄毅廣長身有膂力奮迹戎伍至總兵大小百餘戰未嘗敗所統神机馬隊精壯人稱為譚家馬其鎮宣府凡二十年善撫士卒及去人咸慕之。乙丑頒釋道大藏經典於天下寺觀。丁卯陞順天府府尹濤為戶部左侍郎光祿寺少卿王賢為順天府府尹。命署都指揮同知許貴任山西行都司督操大同各衛軍馬從總兵官武進伯朱冕舉也。襄城王範

壻以府第朽蔽請令有司修理

上以陝西民艱止命韓府軍校工匠營之。命拓陝西

寧夏城以右給事中侯臣言其狹隘也。戊辰南京

光祿寺言歲積糶麩至三十餘萬石請令有司售之

市從之。庚午南京太僕寺卿王榮九年任滿

上命復職。勅靖遠伯王驥等曰得寧遠伯任禮等奏

今年七月瓦剌也先遣人授沙州等衛都督僉事喃

哥等偽官及欲分遣人馬由大同寧夏等處入寇爾

為朝廷大臣與國同休宜深思遠慮與各總兵鎮守

官計議一切備邊禦賊之策仍選投驍雄訓練精銳
遇警相機調度要在軍聲大振點虜知畏邊境用寧
又聞各邊守瞭軍士多有貧窘逃亡者爾等亦當從
宜撫恤務使勞逸均平人不失所勅雲南總兵官
左都督沐昂等曰得奏緬甸欲遣人來歸思任發及
爾等欲發葦剌劄回雲南俟思任發至日諭令還彼
以慰遠人歸化之意悉從所言但緬人譎詐不可輕
信爾等一應軍務須博采衆議從宜審處以圖成功
卿等其敬慎之沙州衛奄克等以奏事至賜之絲
幣泰寧等三衛都督拙赤等遣頭目朶羅罕等獻
所獲犯邊賊首阿台馬畜及首馬謝罪且言阿台遁
匿不知所向如少寬假務追獲送京并言三衛人口
前為官軍所獲者乞賜矜原

上賜勅諭之曰覽所奏見爾等遵奉朝命追悔前過之
意今春邊將所獲生口就令爾三衛來朝使臣面相
識認並云初不相識已行處治中有男女三人自言
為爾拙赤親屬朕念爾効力多年特命法司羈管優
恤之今既知悔過并遣之歸使爾骨肉完聚此非分

之恩也朕於爾三衛諄々告諭欲相保全冀在恪秉
臣節忠事朝廷以永無疆之福若譎詐反覆苟求僥
倖面從心異孤恩悖德天殃人禍其能免乎尚深悟
痛省勉圖為善用副朕心南京都察院右副都御
史周銓言洪武間命官於各布政司府州縣相其地
勢可積水處即令開挑陂塘溉田壅塞則疏通之雨
澇則放泄之民蒙其利益有年矣近者廢弛臣巡視
所至之地見其禾稼不收錢糧逋負人民飢饉乞勅
該部申明疏修已為久遠之利從之請順天府大

興縣知縣蘇敬戍邊初大興民以爭田訟于縣敬令
老人蕭永往視之永聽囑不直敬杖永致死事覺刑
部罰敬役滿復職吏部請黜為民

上曰蘇敬為牧民官不施教化而專尚威刑杖人至死
牧民之心安在其請戍威遠衛以為嗜刑殘民者之
戒壬申南京都察院右副都御史周銓言二事一
朝廷紀錄軍丁本存恤之也而南京各衛所徃々將
年十二三者一体工役子母更互負擔每月食米三
斗多為官軍所培剋殊負存恤之意恐天下衛所類

此者尚多乞通行禁止一舖兵違送公文晝夜行三
百里近年所司怠緩雖申舊令恬不知改乞令巡按
監察御史按察司官時加查究併罪其提調官仍申
達吏部俟九年滿考憑以降黜庶奸弊革而人知惧
上皆從之 癸酉直隸真定府通判陳祥奏所屬旱傷
該徵存留糧草辨納艱難乞每糧一石折鈔一百貫
草一束折五貫俱解京庫交收庶蘇民困從之 甲
戌命兵部右侍郎虞祥通政使司右通政呂爰正翰
林院侍講劉鉉檢討王玉清理軍職貼黃 命陝西

都指揮僉事石能鎮守岷州 勅諭沙州罕東赤斤
蒙古三衛曰初朝廷以爾等忠順歲久瓦剌亦常來
朝貢欲結姻親各隨所願近聞彼此往來頻數必生
釁禍蓋自昔儉人誘惑良善或啖以微利假以官爵
或許以土地脅以勢力一或聽從則驅使如奴隸稍
不如意則斬艾如草芥積威所制雖使之赴水火不
敢有違及事机敗露彼則深藏遠遁而被誘者乃受
其禍如曉霜春雪太陽一升無不消化此必然之理
也爾三衛頭目皆朝廷選拔委用大小人民皆朕赤

子故恃憐、開諭欲相保全宜堅守臣節毋聽人誘
惑陷身罪惡部屬有不遵約束者以法治之果有執
拗不馴心懷反覆者奏來處治如遇外寇侵擾協同
諸部并力相援果別有警急即速報邊將為爾勅捕
爾等其體朕至懷省念毋忽時兀良哈已將陰附瓦
剌而沙州罕東赤斤蒙古三衛亦將附之

上遣都指揮季鐸哈剌苦出往諭三衛未報而沙州衛
頭目薛令來言也先遣人至三衛授喃哥等以平章
等官又言瓦剌欲從大同寧夏謊力山亦集乃諸路
入寇於是復以是勅付譯諭之且命鐸密察人情向
背及其往來交與之故

身禮畢出御奉天殿受朝賀大宴文武郡臣及四夷朝
使皇太后皇太后免命婦朝賀己卯文武百官
朝親王於奉天門東廊前授迤北來歸韃靼俺克為
百戶阿木敦猛可瓜秃弩木答兒俱為所鎮撫隸南
京錦衣衛支俸賜冠帶房舍器物調湖廣都指揮
使何貴都指揮僉事王瓚四川都指揮同知李昇俱
任廣東都司分督備倭屯田鎮守陝西興安侯徐
亨等體覆秦王所奏右都御史陳鑑巧取民財勅建
大 神廟等事多無驗上旨謚命法司錄狀以示令其

謹守禮法 庚辰襲封衍聖公孔彥縉來朝上表進
馬賀萬壽聖節賜宴及鈔幣等物 巡按山西監
察御史夏誠奏平陽府所屬絳州等州縣今年春夏
亢旱子粒虛耗人民缺食除邊糧徵納外其存留腹
裏糧芻及借貸預備倉糧俱乞停徵以甦民困
上命戶部覆實傳之 辛巳陝西平涼衛土官所鎮撫
朵羅禿西寧衛千戶哈成來朝貢馬駝鷹犬等物賜
宴及綵幣表裏等物有差 壬午陞錦衣衛指揮僉
事馬順為世襲指揮同知仍掌鎮撫司事 給慶府

安塞王秩昊歲祿一千石米鈔中半兼支 癸未春
寧衛都指揮討勤遣指揮紐林等朶顏衛頭目伯台
遣指揮扯干來朝貢馬賜宴及綵幣表裏等物有差
上命先是守備偏頭關都指揮馬貴奏本關備禦官軍
常幾萬人而關城狹隘且以倉庫衙門所占不能容
居故多分住城外遇有警歛之入城則人衆無可處
之地請展拓之上命巡撫都御史及方面官同貴
於明年春和之日開築至是貴復以人力不足乞益
以附近衛所軍餘工部稱人多恐費邊糧宜仍初議

從之命甲申瓦剌大師也先遣使臣失連帖木兒及
回回平章鎖魯等來朝貢駝馬等物賜宴及綵幣表
裏等物有差 都察院右都御史王文奏臣以草茅
幸逢盛世累至今官方及一考豈敢覬覦非分之恩
但念臣母彭氏年過八十日薄西山恐不能久乞賜
誥使毋得沾 恩命 上特從之 乙酉朝鮮國王
李禔遣陪臣安崇善等貢表并方物賀

萬壽聖節賜宴及綵幣表裏等物有差 太保成國公
朱勇等奏大營及三千五軍等營官軍騎操馬即今

於各馬房詞養宜遣招遠伯馬亮等十二人更番提
臣亦不時巡視庶使人皆盡心馬無耗損從之丙

萬壽聖節遣官祭長陵二景陵上詣奉

先殿皇太后宮行礼畢出御奉天殿受朝賀大宴
文武群臣及四夷朝使丁亥陞獨石備邊府軍衛
指揮僉事楊俊署都指揮僉事事督操馬營軍馬俊
左叅將都督洪之子洪舉其父歷邊務屢著戰功故
有是命河南按察司僉事徐朝宗奏大寧都司官

軍都指揮僉事田礼等八千二百九十五員名侵占
屯地四千一百二十七頃有奇逃年不輸子粒會赦
不即改正管屯官匿不以聞俱合逮治所収過地利
合追還官上俱宥其罪止令今後如例徵輸子粒
戊子先是安定王桑爾加失夾禪師賞竹領直於
永樂間來降令於西寧居住後其姪攝刺藏卜襲禪
師職亦留西寧累遣同官軍入番撫諭至是鎮守西
寧都指揮僉事汪清奏其窺探中國透泄邊情恐生
不測上命攝刺藏卜回本地協同安定王化道者

民裁革湖廣穀城縣河泊所從布政使蹇賢奏請也。己丑滿剌加國遣使臣宋那的刺耶等福餘等衛指揮馬撒罕等亦里察河衛哥吉河衛兀者托温千戶所野人亦里答等俱來朝貢馬及方物賜宴及絲幣表裡鈔絹等物有差。庚寅命安定衛故指揮僉事脫麻失子瓦思答兒失里子阿奴俱襲職罕東衛都指揮同知綽兒加子賞卜兒襲為指揮使陞舍人觀祿為指揮僉事。減陝西行都司所屬衛所官下舍人地畝子粒糧先是每頃徵糧十石至是總兵

官寧遠伯任禮又以為言每頃止徵八石。辛卯命故金吾右衛帶俸署都指揮僉事林徐子海襲為指揮同知。湖廣靖州貴州鎮遠府俱奏歲歉缺食已發倉賑民并貸以種子謹具數聞。癸巳書復永興王志壘得奏續選鎮國將軍公錕婦失於奏請深自克責具悉所選李竒女准令成婚叔自今宜祇循祖宗成憲以全令德。山西柴夫王渙狂走入長安右門哭且笑者三言我慶百姓餓者餓死逃者逃盡請縛見。上有所陳說校尉擒奏以為妖言詔下錦衣

衛禁錮之。前夜有流星大如雞彈，色赤尾跡有光，起自室宿西南，行至游氣。甲午兔直隸廣平府屬縣，去年被安糧一千九百餘石，草三萬五千三百九十餘束，綿花五百八十斤。夜月生五色雲暈。丙申，陞通政司右通政呂爰正為左通政，仍舊清軍職。貼黃以九年考滿故也。擢進士王宣為吏科給事中。甘肅總兵官寧遠伯任禮奏陝西署都指揮僉事張通、宋忠、楊斌、劉英備邊年久，多效勞勩乞實授其職。上曰：軍職論功受賞，通等姑仍舊俟有功時議。

之。下赤斤蒙古衛遣舍人顏卜郎建州衛都督李滿住遣人各貢馬賜宴，并絲幣表裏有差。戊戌，穀城郡主薨，遣中官致祭，命有司營葬。己亥，命故永清左衛達官指揮同知朶羅禿子廣全、南京金吾左衛指揮同知劉政子經俱襲職。金吾右衛指揮使羅敏子祺、羽林前衛指揮同知王通、姪玉濟、陽衛指揮同知蕭貴子旺俱代職。勅諭安定王亦班丹及安定衛都指揮那南奔等大小頭目人等曰：前因爾那南奔及所部頭目劫掠曲先衛，都指揮都立帳房人畜

朝廷遣官往彼追理爾等南奔等肆惡不悛復劫掠
官軍駝馬行李又特勅爾安定王等追究爾等正當
挨捕前賊追還所掠之物庶彼知所畏懼乃姑息曲
蔽將來小人何所懲乎此等小人論法當調大軍勦
滅但念其蠢然無知且爾安定王已遵朝命追理又
陳詞乞遶今特遣國師攝刺藏卜責勅前去爾等即
同彼曉諭各頭目部屬自今務各教順命姑未詳
天道尊事朝廷堅秉臣節謹守法度各安生理用圖長
久不許分外生事侵擾隣境及聽人盪惑自作不靖

敢有違者聽爾大頭目懲治或有冥頑不悛構禍啓
釁必命遣將調大軍勦殺不恕仍命攝刺藏卜就爾
本地地方居住協同爾安定王推廣慈教以化部屬果
有功者俱論功陞賞又安定王奏保瓦思答兒阿奴
襲職俱從所請并諭爾等知之下勅諭朵顏衛故都
指揮使完者帖木兒男塔不都指揮同知朵羅干倒
斤等曰得爾等奏爾衛指揮僉事都兒禿係同管事
緊要頭目先曾差人進貢至闕不曾放入乞准令進
貢已准所奏勅遣將今後遇都兒禿差人進貢至闕

果有爾衛印信文書即放入關爾等宜省諭都兒禿
須選誠實之人給以本衛印信文書責執前來庶見
其恭敬朝廷之意庚子陞戶部廣東司主事李瑒
蘇肆為郎中從尚書王佐奏請也崇信伯費到等
督官軍牧馬於草場死亡幾三千匹至是兵部劾到
等怠弛廢事宜治其罪

上曰姑勿罪令其具實自陳壬寅陞遼東提督屯種
監察御史李純為都察院右僉都御史仍理舊事以
九載考最故也大哈密衛鎮撫沙免力來朝貢馬賜

宴及綵幣表裏巡按直隸監察御史李奎奏蘇松
常鎮四府今年七月大風拔木洪水衝塌公私廬舍
居民溺死者千數禾稼盡被滄沒糧草無從辦納

上命戶部覆視以聞癸卯命河南山西逋負稅糧折
鈔河南解京山西貯之本處備用從巡撫少卿于護
奏請也復設四川叙州府宜賓縣橫江鎮巡檢司
甲辰給宣府前等衛官軍一十餘匹直隸神武
右衛奏七月大水禾稼俱傷秋糧子粒無從辦納
上命戶部勘視以聞四川按察使致仕龔鏞卒鏞字

子諫江西南昌縣人由舉人授兵科給事中擢雲南
按察僉事秩滿詣京以諫議謫役尋起為廣西僉事
復調廣東荐陞按察使所至以廉潔自將盡心所事
多所建明咸切時弊年七十一乞致仕詔允之至是
卒歷官餘四十年家計蕭然無忝縈積平生剛介直
諒不以富貴累其心官雖涖憲臬未嘗尚嚴威尤人
之所難云

大明英宗睿皇帝實錄卷之一百二十三

大明英宗睿皇帝實錄卷之一百二十四
正統九年十二月乙巳朔

上省郊祀牲所陞提督易州山場柴炭通政司左通政
陳恭為工部右侍郎仍理前事恭九載秩滿保定等
府州縣采柴夫數千餘人奏乞番恭提督吏部以聞
故有是命之兀者衛都督刺塔剄童衛指揮塔哈納
等愛河等衛指揮朵兒只等各遣人貢馬及方物賜
宴及綵幣等物有差命南京戶部以內帑絹布一
萬八千赴雲南給賞征進貢有功官軍丁未廣東

左叅政王來言廣州等府州縣民每歲輸糧於碣石
肇慶惠州等衛所道路險遠况彼倉糧俱足十年之
用地既炎蒸米多泥爛徒勞民供請將下年實徵并
上年逋負之數每米四石折銀一兩解送甘肅寧夏
遼東等處備用其存留之數斟酌歲用多寡米銀布
匹兼收以為官軍俸糧支用其各衛官軍不係備倭
上時月令于附近有糧倉分閔給戶部覆奏來所言便
從之廣西思恩府土官知府岑瑛湖廣散毛宣撫
大司宣撫覃瑄各遣人貢馬賜絲幣等物有差 巡撫

大同宣府右僉都御史羅亨信言壯中國威外夷固
在士卒精強而亦在邊城鞏固臣見万全左衛及保
安右衛二城但以土築易致頽敝已嘗奏准甃以磚
石柰委非其人久未成工訪得守万全右衛都督僉
事朱謙守柴溝堡都指揮僉事李徽皆有才能可以
服人乞令于邊烽不警之日不妨本職督工備完後
之戊申陝西右叅政楊立以老疾乞致仕從之
疏鎮江常州連河曾夜有流星大如雞子色青白有
光出北斗魁東北行至近濁已酉陞提督大木廠

大理寺右少卿韓翼為左少卿翼九載任滿工部尚書王毳等言翼提督公勤乞仍前理事故有是命命修南京通濟寺十九門城垣庚戌塔麻達等五衛舍人把令加等童寬山等二衛舍人察木哈等兀者等三衛并哈三千戶舍人木哈良等來朝貢馬及方物并陵西涼州衛莊嚴寺刺麻哈薩室哩等來朝貢物馬及佛像舍利俱賜宴并綵幣等物有差戶部言民間芻草歲用不給請令法司囚犯以四分為率二分仍舊運磚運糧二分輸草二死罪納草一十八百束三流并徒三年一千四百束徒二年半以下每等自一千二百遞減二百束笞杖罪每一十四十束從之小陞瓦剌使臣都指揮僉事卯失刺為都指揮同知指揮同知孛端禿兒俱為指揮使授頭目愜合為都指揮僉事壬子臘節賜文武百官宴湖廣保靖州宣慰司宣慰使彭捨怕俾廣東化州徭首彭彥清各遣人貢馬及方物丙陞南京太常寺少卿兼翰林院侍讀學士全問為南京禮部右侍郎南京鴻臚寺主簿張俊為本寺右寺丞乙命沙州衛故

指揮同知保童子綽思加襲職癸丑免直隸常州
府屬縣去年被灾糧一十萬五千七十餘石草一十
三萬九千五百八十餘石夜有流星大如杯色赤
有光出星宿西南行至游氣甲寅朝鮮國王李禔
遣陪臣進表及方物賀明年正旦野人女直葛林等
十八衛指揮打里哈等建州左右二衛都督同知董
山凡察兀里奚山等十二衛指揮塔必兀的罕等各
來朝貢馬及方物賜宴并賜絲幣等物有差一鎮守
陝西右都御史陳鎰奏比得各處報瓦剌也先既遣
人偽授沙州罕東赤斤蒙古三衛都督喃哥等為平
章等官又擅置甘肅行省名號意在邀結夷心為患
邊境宜嚴為防禦之計章下兵部集太師英國公張
輔等議蘭縣係甘肅喉襟宜選官軍三千人益之甘
肅寧夏延綏大同偏頭關各有下班官軍宜催調前
去操守俟邊境寧息仍舊輪操甘肅左恭將王敬文
病宜選驍勇有謀老成都指揮一員代之大同右左
叅將分守東西二路所領兵少亦宜催調下班官軍
益之其餘机宜猝難遙度宜令靖遠伯王驥等及總

兵鎮守官籌度上命選智勇慣戰都指揮一員往
蘭縣守備軍馬姑勿增益仍推智勇超出堪為叅將
者疏名以聞各處下班官軍俱不必催調仍舊輪操
還移文各總兵鎮守官嚴督瞭備敕右都御史陳
鎰曰前慮邊儲不足民人僭運艱難命所司運銀於
邊境糴糧備用今聞甘肅官司定與糧數糴買多損
軍民爾與總兵鎮守官即提督管糧官務要照依彼
中時直兩平糴買毋致多狀損人又甘肅前選精壯
餘丁備用果有不敷亦須酌量丁力添選處置得宜

人必悅從今聞爾等不論貧富多寡見丁選人將
何堪爾即同總兵守官酌量果有餘丁二三丁者選
一丁四五丁者選二丁七丁者選三丁八九丁者選
四丁十丁以上者選五丁若已選在官者照例存留
強壯者備用例外多餘者皆放寧家生理幫助軍資
不許該管官旗託此生事拘留役占蓋守邊在於保
民若邊境軍民充足糧儲朝廷自有處置况備敵之
道當以安靜為本不可自為紛擾致人心驚疑爾等
其慎之敕至爾等仍具實奏來 命建州左衛故指

揮僉事那那子刺塔孫襲職陞毛憐衛指揮僉事莽
哈為指揮同知命會川伯趙安子瑛為正千戶陞
陝西都指揮使魯失加為右軍都督僉事都指揮同
知汪壽為都指揮使都指揮僉事哈刺苦出毛哈刺
哈刺不花可可帖木兒俱為都指揮同知以安守守
邊年久有勞故也乙卯敕靖遠伯王驥等曰近又
得右都御史陳鎰等奏瓦剌遣人往沙州三衛要結
又分遣人馬於沙州近界圍獵已敕哈密并沙州三
衛不得聽誘為非卿其即同各總兵鎮守官嚴飭守
備頭目中有勇畧超出者訪授用以勵其餘丙辰
置官房於彰義門收商稅課鈔從正陽門宣課司奏
請也景陵神宮監右少監阮菊擅伐

陵樹百餘株私用事覺法司論罪應斬從之丁巳陞
山西右布政使石璞為本司左布政使右叅政楊鼎
為右布政使知府葉宜為浙江左叅政給事中陳浩
為福建右叅議巡視銀鑛馬諒為山東左叅議員外
郎未弼為廣西按察司副使監察御史刑端為湖廣
副使韓揚為僉事提調學校蕭鸞為廣西僉事提調

學校評事馬嵩為福建僉事提督屯種復除僉事楊
輔於廣東從吏部會廷臣荐舉及親喪服闋也命
後軍都督僉事王喜充左叅將往甘肅領兵山東都
指揮僉事李進往蘭縣守備陞錦衣衛帶俸指揮使
張軌為都指揮僉事在京督操命建州左衛故指
揮僉事巾卜子木哈三襲職陞正千戶忙忽為指揮
僉事授舍人納剌孫頭目亦失哈俱為所鎮撫陝
西按察司僉事陳斌先奏守備延安綏德署都督僉
事王斌貪虐王斌亦具條陳斌賍汚事下鎮守官右

都御史陳鑑都督同知鄭銘覆覈各有虛實

上命王斌改過守邊執陳斌下錦衣衛獄坐杖贖罪還
職調湖廣按察司己未勅諭在京各營管軍人等
國家兵備軍馬為重曩因軍士養馬多不盡心致有
損失特命於馬房飼養即今天氣陰寒新正在迎朕
憫念軍士辛勤悉令各還原處俟來春操練時月仍
入馬房點視務在馬匹肥脂軍裝齊備違者該管官
皆治罪不宥陞沙州衛指揮僉事桑加失里為都
指揮同知乃兒不花為指揮使指揮僉事只孫徹米

徹滕吉思俱為指揮同知增給陝西延安綏德二
衛守邊軍士月糧先是二衛軍月給米豆五斗餘折
布靖遠伯王驥言諸處儲糧有餘守邊軍食不足
上特命月給米五斗豆二斗餘折鈔如舊庚申命罕
東衛故淨惠普應大國師格刺思巴監藏姪端岳監
藏襲其叔大國師之職辛酉命塔麻速衛老疾指
揮僉事哈刺張子八令哈代職童寬山衛故指揮僉
事麻里出子察木哈襲為正千戶以嘗寇邊故特降
之也靖江王佐敬奏護衛百戶戴震與其男儀賓

瑄共為非法欺罔誹謗瑄又歐辱鄉君請治其罪
上命王府錮禁瑄以俟臣處震令巡按御史鞠問仍廢
瑄不法事情以聞壬戌命鎖南劉為崇脩善教國
師賜以誥命命故金吾左衛指揮同知胡林子通
金吾右衛指揮僉事鐵兒孫卞海俱襲職騰驤右衛
指揮同知陶真有疾以其子俊代之以甘肅大風
晝晦遣總兵官寧遠伯任禮致祭境內山川之神
敕靖遠伯王驥等曰比聞甘肅風變屢作實
上天昭示儆戒之意卿等受朕重託其與各總兵鎮守

上官夙夜盡心經畫嚴謹瞭備蓋外虜窺伺之心無時
或忘卿其多遣間諜探其衆寡以為戰守之計務在
采擇衆善毋拘故常會川伯趙安卒安陝西狄道
縣人洪武間為甘州衛軍永樂初朝京貢馬授臨洮
衛百戶累功陞陝西都指揮同知宣德三年命充左
叅將同總兵官都督陳懷往往征松潘番寇平之陞左
軍都督僉事仍掌臨洮衛事未幾奉詔使畢力朮江
地方使還復充左叅將同副總兵官都督史昭征曲
先等衛虜賊斬獲甚多又同侍郎徐晞征迤西阿台
朶兒只伯等敗之陞都督同知尋命充右副總兵訓
練官軍于甘州正統三年命征西虜生擒達賊乃顏
剌忽及奄克台等封奉天羽衛宣力武臣特進榮祿
大夫柱國會川伯食祿一千石賜誥命宴勞之四年
充總兵官鎮守涼州至是卒訃聞遣官諭祭給賻安
葬安勇毅有將畧故能屢立戰功獨異於衆云 癸
亥書復荆王瞻垌曰承喻

聖祖母喪制服闋欲同宮眷來朝足見孝敬之意然釋
服禮有定制况天氣盛寒跋涉非易可不必來專此

奉復叔其亮之勅諭哈密忠順王倒瓦答失里曰
近得爾差鎮撫沙免力賚奏到京備言前被小人於
也先處讚言將爾子毋取去今俱差人送回具悉然
爾去歲嘗奏也先取爾子毋赴瓦剌已嘗敕諭也先
以羨處之全爾親之意毋聽讒言交構有傷大理
今被以禮遣爾子毋還本土是亦順

天道尊朝命之所為也朕甚悅之又聞彼累差人往來
爾處然也先與爾俱世事朝廷往來和好如同一家
皆以保境安民為心朕固不禁絕之但慮往來之人

或有交構蠱惑壞父長之好甚非爾一方之福也朕
切慮之且爾祖脫脫早亡父繼亡伯斡無依乃流
來中國我皇高祖特加恩養育成人暨我

皇曾祖即位爾祖脫脫之叔安克帖木兒來朝特封以
王爵頒給金印俾管治哈密人民保禦邊境其後亡
沒皇曾祖俯念爾宗祀無人承繼特命爾祖脫脫
襲封王爵遣還撫治人民恩禮錫膏視之如子迨爾
父卜答失里及爾承襲王爵實受朝廷大恩下及頭
目俱受重職恩賞愈久愈厚爾當體念國家厚恩勉

竭忠誠一心無二庶不負爾先世之志若或昧於大理用知順逆豈臣子忠孝之道已往之事悉置不問自今爾益宜教順天道忠事朝廷堅秉臣節恪脩職貢用圖保全於長久嚴禁部屬頭目人等各懷忠誠毋為小人所誘自作不靖以取滅亡敢有奸詐之徒生事啓釁者爾即嚴加懲治毋累良善其有強橫兇惡構怨生靈不聽爾懲治者即具實奏來調大軍勅殺蓋上天道以福善禍淫為心國家以賞善誅惡為治一於至公遠邇無間爾其欽承之 勅諭沙州

衛掌衛事都督僉事喃哥都指揮克羅俄領占桑加失里撒力兀魯思不花薛令指揮乃兒不花田吉思只孫及衆頭目人等曰近聞今年七月間脫不花王并也先差人來爾處着喃哥做平章鎖喃奔做王撒力做三平廣別立哥做右叅政鎖可帖木兒做大使等情但未見爾等奏到朕深疑之自古帝王受天命主宰万方凡海內海外大小人民皆在統馭之中而万方之人必知天命所在尊敬朝廷一心無二然後可以保全長久爾沙州等衛近處遠陞自我

祖宗開國以來設立衛分爾之祖父首膺官爵掌管印
信管屬人民累効勞力荐陞官職朝貢往來恩賞愈
厚脫脫不花王等遠處迤北近年差人朝貢來京朝
廷亦遣使臣往彼賜賚視同一家無有間言今彼妄
與爾等職事未知果出脫、不花王等之意或其差
來人虛張聲勢假托妄為已遣勅諭脫、不花王等
爾等或被其威脅不得已而受之即宜改悔毋為所
累仍具奏來若係爾下人所為不聽爾等約束不行
改過為善即具奏來勅殺不宥如爾等縱容部屬與
彼交構即爾等不忠之罪亦不輕恕朕以爾等世世
忠事朝廷特以至誠諭之實保全爾等長久之意切
不許聽彼奸人甘言哄誘受制於人自取滅亡果有
外寇脅爾即遵前敕起集人馬協力勅殺及飛報甘
肅總兵鎮守官出兵勅捕務使爾等大小人民不至
失所爾等其体朕至意○吏部聽選官張旭言臣原
籍直隸無錫縣有里谷河蘇塘河華港河上村李河
走馬塘河東南接蘇州苑山湖塘北通楊子江西接
新興河洪武間疏引灌田民甚得利近年淤塞但遇

天旱田無所仰民因飢窘乞教令有司疏通從之
福建尤溪縣河迫所官蔡伯達言本縣原有山塲鉄
鑪十九所常年輸課人戶因致貧窘流死者衆其所
耗鐵課累及見在之人而無籍之徒又徃徃私集通
逃軍囚采鑛煎燭皆不辦課甚至剗掠人民及官軍
巡捕因而拒闕不禁約之恐生他變乞教該部移文
布按司官蠲其消耗者其私燭之戶即令補辦課程
所集之人審其從來果隱藏軍囚懲治械發仍逐年
委官點視如此則鉄課無虧民無靠損從之
旨甲子

敕三法司工部曰今天氣隆寒新正在巡朕念圉
中無知犯法者衆飢寒可憫除真犯死罪及官吏犯
贓外其餘雜犯死罪以下遞減二等發落不許淹滯
笞杖罪悉宥免諸匠役除緊關工程外其餘不急之
役并在京做雜工囚犯俱令歇假休息明年二月初
一日仍舊上工囚犯計日准工所司務奉公守法俾
人受實惠毋徇私作弊以取罪愆
陞工部營繕司
主事龔理為都水司郎中從尚書王夔奏請也
陞
尾刺使臣指揮僉事昂克孛羅為指揮同知授鎖魯

擅為都指揮僉事哈只阿力等二人為指揮同知兀馬兒等十四人為指揮僉事卯哈刺等五人為正千戶脫章等十人為副千戶給官帶以皆願受朝廷官職故也

上釋誠孝昭皇后禫服遣官祭獻陵湖廣永順宣慰司宣慰使彭世雄施州衛施南等二宣撫司宣撫覃彥升等廣西鎮安等二府土官知府岑元氣等東蘭等四州知州韋善等并雲南景東府知府陶瓚尋甸軍民府知府沙仲四川酉陽宣撫司僉

事冉佐各遣人貢金銀器皿及方物駙馬沐昕因閣者及家奴有罪杖死之奉御阮伯山以聞詔昕陳狀昕輸罪上曰人命至重下人果犯法當奏送法司究問那得擅於私家杖殺之昕罪本難宥但念是國親姑為屈法今後仍如此擅作威福必罪不宥丙寅命給陝西西安等府州縣衛所運夫口糧先是侍郎丁鉉言陝西歲旱缺食諸處運茶請俟來年上以茶馬急用命凡軍夫月給口糧三斗命停徵山東膠州逃亡事故戶口食鹽鈔一十五萬一千八百

三十餘貫命建州衛故指揮同知阿克木子童山
襲職丁卯免南京各衛差操屯軍餘糧先屯是軍
差操軍丁代種者徵餘糧六石至是豐城侯李賢以
為言命免其徵若地畝橫與別軍者仍徵之戊辰
哈密忠順王倒瓦答夫里毛憐等三衛都指揮北赤
等各遣人并陝西涼州衛廣善等寺刺麻綽失吉堅
恭等來朝貢馬駝及方物賜宴并絲幣等物有差
四川馬湖府知府安顛并龍州等四宣撫司宣撫薛
公輔等沐川等六長官司長官悅福得等湖廣忠峒
等六安撫司安撫同知秦忠等木丹等三長官司副
長官譚溫等廣西安平等三州知州李森等及貴州
都勻長官司副長官王昇各遣人貢馬及方物
敕緣遣諸總兵官曰近得哈密使臣報瓦剌也先分
遣人馬於沈荅罕等處駐劄欲俟我大同官軍送彼
使臣出境謀為劫掠如其得利即分道入寇此雖傳
聞之言然觀此賊近年殘害同類要結諸夷實有為
惡之意如彼果來犯邊則是天稔其惡日投陷窳古
云天與不敢及受其殃卿等其各整搦軍馬備飭器

械多方設法選拔智勇以為將領務在一舉殄滅以
清沙漠授哈密使臣捏伯沙為百戶賜冠帶襲衣
以能忠順朝廷故也平禮部奏廣西利州等衛門進
萬壽聖節并冬至表踰期方至
上曰遠人姑宥之
氏年垂八十臣以官守不得朝夕侍養乞容臣終養
以盡人子之心
上念瑄舊臣之子特從之
庚午
復除監察御史萬節於河南道以親喪服闋也
壬
申福餘衛都指揮安出泰寧衛都指揮納哈出朶顏

衛都指揮同知倒斤等老哈河等三十餘衛指揮安
出哈等陝西文縣羅葛等族寨首番道石革等湯湯
等族刺麻寨首塔兒麻堅藏等湖廣大旺等二安撫
司署司事舍人田大望等廣西田州府土官知府岑
紹向武等二州判官董源等并上林長官司長官岑
志威各遣人貢金銀器皿及方物賜宴并絲幣等物
有差唐王瓊烜奏長女上蔡郡主婚期在迓欲遣
人往他處收買服用裝區從之
戶部奏甘肅軍馬
數多糧用浩大請召商中淮浙鹽每引納米豆一石

於甘肅涼州上倉給用從之湖廣澧州知州蔣肇
奏本州歲辦弓箭解京致沿途損敝及工部驗退不
堪解者以公文質當銀貨買補逮至陪償本利始得
公文夫輸造已科於民償貨復科于民民何堪處乞
敕該部今後交納不堪者蒞回換造仍令解者毋假
冒以重擾民上曰今後弓箭令所司用心提督成
造輸送到者即從公辯驗收受毋徇私展轉擾民違
者皆罪不宥巡按直隸監察御史段信奏總兵官
都督僉事武興叅將都指揮僉事湯節盜官物以造

後官軍以致民利宜治其罪

上以時正備運姑識其過令改之再犯俱重罪不宥

景癸酉授建州衛都督僉事李滿住子都喜為副千戶
從滿住奏請也旦敕甘肅總兵官寧遠伯任禮叅贊
軍務右僉都御史曹翼等曰爾等差人伴送赤斤蒙
古衛都督僉事阿速等差來千戶撒因帖木兒等到
京并責番字奏文備言本處今歲無收人民缺食乞
給糧接濟赤斤蒙古係朝廷近邊衛分今既艱食宜
加賑恤敕至爾等與太監劉永誠計議即查甘肅近

邊有糧倉分酌量夫與接濟仍與阿達等差人赴倉
關須自行運去庶見朝廷恩恤之意此事選委的當
老成頭目提督務使人受實惠不致騷擾邊糧多寡
道路遠近險夷搬運難易皆須從長處置務在得宜
不可失遠人之心曹甲戌歲暮享

太廟歲以明日正旦遣官祭

長陵

獻陵

景陵

祭

景陵遣太常寺官祭五祀之神遣旗手衛官祭旗
纛之神鎮守陝西右都御史陳鎰奏西安等府華
州等高陵等縣今年亢旱人民缺食流徙死亡道路

相繼甚至將男女鬻賣以給日用請移文陝西鎮守
巡按等官設法撫綏驗口賑濟如預備糧不敷就于
有糧官倉支給仍于富室勸借救濟凡鬻賣男女官
為贖還從之是歲天下戶口戶九百五十四萬九
千五十八口五千三百六十五萬五千六十六田地
四百二十四萬九千五百一十六頃六十五畝田賦
米麥二千七百一十三萬四千二百一十三石四斗
絹一十九萬二千四百七十九匹絲五萬七千七百
一十六斤綿一十八萬五千二百九十七斤布一十

四方三千九百七十八疋綿花一十八萬九千二百
四十三斤折色鈔七萬七千五百三十三錠有奇雜
課鈔九百六十九萬三千七百六十二錠有奇米麥
八萬四千三百七十七石鐵七萬四千五百八十三斤有
奇布一千八十七疋鹽課鹽二百八十八萬六千二百
十八引折色鈔二千二百七十四萬六千五百四十
七錠有奇米四十八萬九千九百二十四石布七百
八十六疋茶課茶五十五萬八千八百八十一斤折色鈔
一十八萬九千四百七十四貫屯田子粒二百七十
八萬九千八百四十五萬有奇米納銀六萬七千一
百八十兩水銀九百四十四斤硃砂一百六十二斤
石綠二百五十五斤雄黃三十斤有奇漕運北京儲
運過糧四百四十六萬五十石各處運納糧一百一
十八萬三千七百七十四石減免天下官田等項稅糧計
米麥七十三萬七千八百二十一石有奇

大御藥宗義皇帝御製之文一百二十日

...

...

米麥以十三百以十八百二十一兩...

十八百三百以十四...

...

...

百八十...

...



